


# Diro Autim Toktok

**OLPELA komanda bilong Difens Fos, Ted Diro i winim pinis sit insait long Palamen na em i kamap nupela lida bilong Nesenel Pati. Moa moa toktok i kamap taim em i kisim wok bilong lida bilong Nesenel Pati. Na tu sampela man i ting Diro tasol bai resis wantaim Samare long 2, Ogas long kamap Praim Minista. Wantok ripota, Pauline Laki, i bungim Diro long Shanghai Gaden haus kaikai na askim em fong ol dispela samting.**

## Wantok

Namba 427 — 24 Julai inap 31 Julai, 1982

20t



Diro i stori long Wantok ripota long Shanghai Gaden haus kaikai.

**WANTOK:** Yu kempein olsem lida bilong PNG Independen Grup na bilong wanem tru yu senis hariap long kamap lida bilong Nesenel Pati?

**DIRO:** Politik i wanpela kain pilai bilong winim moa namba long kisim pawa. Mi sanap olsem PNG Independen Grup. Dispela em i wanpela pati bilong kantri i no bilong Papua tasol. Pati ya i olsem aspati long taim mi kempein. Mi stat long dispela na wok i go antap.

**WANTOK:** Yu pilim olsem wanem long kamap lida bilong Nesenel Pati. Planti memba bilong Hailans i stap long en?

**DIRO:** Yu mas rait olsem, "Mi gat bikipela amamas tru long kamap lida bilong Nesenel Pati. Tude ol wok politik i soim klia olsem ol i gat rijinal sapot. Tasol toktok na wok ol i mekim i kain kain. Nogat gutpela wok bung wantaim long kantri bikos ol i tingting long rijin tasol. Mi laik katim dispela kain pasin. Mi laik kirapim gutpela sindaun bilong ol pipel insait long wok politik na pablik sevis. Mi laik olgeta bikman i mas wok wantaim. Dispela i no nupela taim bilong mi long i go pas long bikipela lain i kam long olgeta provins. Mi mekim dispela kain wok bipo pinis. Nau nogat hevi long dispela. Mi bai ranim gut pati na gavman tu.

**WANTOK:** Yu ting Okuk i bin pusim yu long kamap lida bilong Nesenel Pati? Sapos nogat yu ting wanem long em?

**DIRO:** Mi save long Okuk long taim mitupela bin skul long Sogeri yet. Mi laikim stail bilong em tru. Em man long toktok stret na tok tru. Maski long haitim toktok na paitim nabaut long bus. Yu mas

tokaut stret long mekim ol pipel i save yu wanem kain lida tru bilong ol.

Mi laikim wok politik Okuk i mekim bilong dispela kantri. Ol tingting bilong mi i klostu wankain long em. Pastaim long mi tok orait long i go pas long Nesenel

Pati, mi wantaim Okuk i bin sindaun toktok gut long stretim gut insait bilong dispela pati. Mipela glasim gut ol toktok na tingting.

Mipela bai kamapim han bilong pati long planti hap bilong ol provins. Dispela

em i no pati bilong Hailans rijin. Man i laikim tingting na aidia bilong em i kam joinim.

**WANTOK:** Sapos Okuk i winim ileksen long 5-pela yia bihain bai yu givim rot long en long kamap lida bilong Nesenel Pati gen?

**DIRO:** Nogat. Em i tokim mi pinis olsem em bai amamas long wok aninit long mi. Tasol mitupela bai senis. Senis long mekim ol wok olsem lida bilong pati. Sapos wanem kain kibung bilong pati i kamap hia Okuk i ken i go pas. Tasol long Hailans o wanem hap long kantri, mi bai i go pas. Ol kain olsem. Mipela i glasim gut tru ol dispela samting pastaim long bikipela tok orait long mi kamap lida.

**WANTOK:** Yu bin kisim sampela bel kros toktok i kam long ilektoret bilong yu pinis long dispela muv yu mekim o nogat?

**DIRO:** Nogat. I no yet. Tasol bai mi go aut nau long toktok klia long ol pipel long tingting bilong mi na ol wok mi mekim. Bai mi tokim ol long ol as tingting bilong pati bilong mi. Ol i amamas tasol long dispela. Long wanem ol i save bai i bringim wok bung wantaim.

**WANTOK:** Dispela i tingting bilong yu yet long bung wantaim na kamap lida bilong Nesenel Pati?

**DIRO:** Nogat. Mi bin sindaun na toktok wantaim ol memba bilong grup bilong mi. Mipela toktok na stretim gut olgeta samting. Mipela toktok long wanem kain developmen bai kamap sapos mi go olsem. Ol i tok orait long mi kisim dispela wok. Mipela olgeta i orait long mi go kamap lida. Mi no hariap long mekim dispela tingting. Nogat. I bin i gat planti taim long sindaun na toktok na skelim ol gutpela samting na ol samting nogut bai i kamap sapos mi kamap lida.

**WANTOK:** Nau yu redi long sanap olsem Praim Minista?

**DIRO:** Mi no laik toktok long dispela nau.

**WANTOK:** Sapos koalisen gavman nau i makim yu olsem kendidet bilong ol long sanap olsem Praim Minista long 2, Ogas bai yu sanap o nogat?

**DIRO:** Mi redi i stap. Mi bai sanap. Yu save em i bikipela sans. Sapos pipel i gat strong na bikipela bilip long yu olsem bai yu ken sanap na mekim wok, orait go het na kisim dispela pawa.

i go moa long pes 2


## Ol Nupela Memba



McKanzie Jovopa- Sohe Open, Pangu. Em i gat 58 krisman na i kam long Hohorita Viles. Em pinisim skul long Gret 8 na wok long Redio Noten inap long 23 yia. Em i winim 6-pela yia olsem Presiden bilong Higaturu Lokal Gavman Kunsil.



William Wi- Not Waghi Open, Independen - William i gat 36 krismas. Em i kam long Kongambel Viles. Bipo em wok olsem redio anaunsa na long opis bilong Minista bilong Lens. Em i marit na i gat 3-pela pikinini.



Poate Henry Andrew- Esa'ala, Milen Be - Pangu. Em i bilong Dobu Ailan na bipo i bin wanpela tisa.

# 5-Minit Wantaim P.M.

## Helpim Ol Eks Sevisman

**ONAIM OL SEVISMAN**  
Dispela wik long 23 Julai em i namba wan Rimembrans de bilong PNG. Long 40 yia i go pinis long dispela de, ol soldia bilong PNG i bin bung na pait wantaim ol soldia bilong Japan.

Ol pipel bilong PNG, ol sevisman, kagoboi, na arapela lain bai tingim ol lain bilong ol husat i pait long dispela bikpela woa.

Long toktok bilong en i go long ol pipel bilong kantri, Praim Minista Sir Julius Chan i tok dispela de i makim 4-pela samting.

Wanpela bilong ol em long onaim gutpela wok bilong ol Difens, Plis, Korektiv na Paia Sevis insait long kantri.

Em i gutpela tok. Tasol mobeta gavman i mas mekim moa long helpim ol dispela lain. Nau yumi lukim planti bikman bilong ol dispela sevis i wok long lusim wok bilong ol. Long wanem ol i no amamas long pe na sindaun bilong ol. Ol Korektiv i no gat gutpela haus slip bilong ol long hap bilong kantri.

Ol bikman insait long plis i wok long risain long wok bilong ol.

Ol dispela lain i mekim bikpela wok long helpim ol pipel insait long kantri. Na wanpela we bilong onaim ol em long helpim ol long mekim gut wok bilong ol.

**SAPOS ol i givim mi 5 minit wantaim P.M. bai mi tokim em olsem:**

\* Gavman i mas wok klostu wantaim ol sios. Maski wanem kain lotu. Nupela gavman i mas bihainim na wok klostu olgeta taim wantaim ol sios. Sios i go kamap na wok klostu tru long ol plantim manmeri long ples tru. Na gavman i stap long we tumas.

\* Gavman i mas helpim ol sios long toktok strong tru long ol kantri i stap long wan solwara bilong mipela olsem Nu Kaledonia long kisim independens. Na long ol bikpela kantri olsem Frans i no ken tromoi ol bom nogut long Pasifik.

\* Ol lida i mas sevim gut ol pipel. I no ken brukim ol long tupela hap. Olsem ol save manmeri na ol pipel i no save rit na rait. Ol pipel i gat planti mani na ol pipel i no gat planti samting olsem. Lida i mas miks gut tru wantaim ol planti pipel nating. Lida i mas i gat kristen bilip, olsem em bai tingting gut long ol pipel.

\* Taim ol gavman dipatmen i askim long mani ol i mas tingting long ol wok em lain bilong gavman na sios i wok bung wantaim na mekim. Na taim ol i kisim mani ol i ken givim sampela mani i go long ol sios. Dispela insait long ol ples olsem bai tupela tim wantaim i ken mekim wok gut.

\* Bai mi tokim em olsem, ol lida i go pas long dispela kantri i mas gutpela man na man bilong tok tru. Olsem em i mas kristen lida. Em i mas bihainim ol kristen pasin. Na ol bikpela tingting na aidia bilong em i mas kristen long taim em i mekim ol wok politik. Em i mas i gat laik long wok wantaim ol pipel. Lida i mas lukluk long ol pipel bilong kantri pastaim em i tingting tumas long ol bikpela samting i kamap long wol.



Pater MacKenzie Asor

Pater Mackenzie Asor i stap long Koki Anglikan Sios, Mosbi. Em i kam long Wanigela viles long Tufi distrik, Noten Provins. Em Eksekutiv Opisa bilong Melanesan Kaunsil ov Sios.

**SAPOS ol i givim mi 5 minit long toktok wantaim P.M. bai mi tokim em olsem:**

\* Dipatmen bilong Edukesen i mas tingting na givim moa save long ol sumatin long skul. Ol i mas strong long planti sumatin i stat wok aprentis long welda o mekenik.

\* Gavman i mas skelim moa mani long kamapim ol teknikal skul bai moa na moa sumatin i ken go bihainim kos ya.

\* Gavman i mas statim teknikal skul bilong ol sumatin husat i pinisim Gret 8 na tu long Gret 6. Olsem taim ol i laik kisim wok ol i gat sampela save pinis na i ken painim wok.

\* Planti ol sumatin i save tingting olsem wok ya i gat planti pipia i stap long klos na han o skin. I tru, tasol em i gutpela wok tru sapos husat man i laik ranim seken han bisnis em yet i ken mekim ol wok mekenik. Na tu em i opim dua long moa wok we ol pipel i stap nating i ken wok long en. Ol vokesenel skul tu i mas i gat wanpela yia long mekim dispela wok.

Victor Narere em i wanpela mekanik long Boroko Moto, Waigani.



Victor Narere

**DIRO:** Mi gat planti toktok tru long bekim. Tasol Bouraga i mas toktok long pasin bilong em yet pastaim, bipo em i sutim tok long arapela man. Em i mas klinim pipia baksait long haus bilong em pastaim. Em yet i kalap i go long Pangu Pati. Em i no stap independen olsem em i tokim ol pipel long Nesenel Kapital. Mi no kempein long tiket bilong Papua Besena. Mi no memba.

Em i hat wok long ranim pati. Olsem i gat planti wok bilong mekim long helpim ol Papuan pipel. Dispela i soim nau indai bilong ol kain wok dispela pati i traim long mekim bipo. Tasol Bouraga i no ken

mekim kain toktok olsem. Mi no wok wantaim dispela pati.

**WANTOK:** Olgeta meri i lus long ileksen. Sapos yu kamap gaman bai yu mekim sampela samting long dispela o nogat?

**DIRO:** Oh yes aslo i opim rot. Em i givim pawa long gavman long makim meri o man long go insait. Mipela bai nominetim tupela meri long Palamen. Dispela tupela meri bai nupela tru. Mipela i no inap kisim ol kendidet i sanap long ileksen o i memba bipo. I mas nupela pes olgeta. Tasol pastaim mipela toktok wantaim Nesenel Kaunsil ov Wimen.

### Diro Tokaut i kam long pes 1

**WANTOK:** Yu ting yu hariap tumas long kisim bikpela kain wok olsem bikos yu nupela long wok politik.

**DIRO:** Bikpela samting tru i bilong stiaim wok gavman long PNG. I gat kra i na hevi i kam long ol lain olsem Plis na Pablik Sevis. Wok gavman i mas glasim gut na stretim. Mi bai wokim gutpela wok.

**WANTOK:** Yu ting wanem long stail bilong Somare na Sir Julius taim ol i stap Praim Minista?

**DIRO:** Somare i gat ol gutpela man i wok wantaim em. Em ol i stap pinis bipo yet long holim bikpela wok long kantri. Na taim kantri i kisim Independens ol dispela gutpela man i go het stret long ol wok bilong ol aninit long em. Dispela i mekim kantri i ran gut long longpela taim. Tasol taim kantri i go long han bilong ol pipel bilong PNG na ol yet i lukautim olgeta samting hevi i stat long kamap.

Dispela taim i kam inap nau em taim bilong traim na lukim. Samting inap go het o nogat? Pablik Sevis i gat bikpela hevi tru. Nau em i hangamap tasol. Em inap bruk pundaun. Tasol mi ting i no gutpela long mi long skelim tupela man wantaim na toktok long gutpela wok o wok nogut i kamap long han bilong tupela. I gat ol narapela gutpela man i mekim wok bilong tupela i go het.

**WANTOK:** Bouraga i tok dispela muv bilong yu long i go long Nesenel Pati i wanpela mistek. Yu gat bekim long dispela?

## TAMBU TORO



**WANTOK NIUSPEPA**

Nius i kamap 52 taim long yia nau

Opis bilong Edita na Edvetaising long P.N.G.  
P.O. Box 1982, Borko  
Telepon 252500 Teleks NE 22213  
Edvetaising -- Ph :25 2304

**LAE**  
Telepon 42 2516

PE BILONG WANPELA YIA, 52 NIUSPEPA

Ples	Air	Surface
Port Moresby		K 13.52
Rest of PNG	K 26.00	K 26.00
Australia & Solomons Is.	A\$ 65.70	A\$ 44.42
NZ & Pacific Island	US\$ 85.80	US\$50.00
America & Europe	US\$132.60	US\$66.30

# No Gat Wok—No Gat Wok

**NO gat wok! No gat wok! Moa long 7,900 wokman i lusim wok bilon gol pinis. Sampela bikpela kampani long ol biktaun insait long Papua Niugini i bin rausim planti wokman bilong ol**

Dispela kain pasin bilong rausim ol wokman i bin stat long mun Disemba 1980 na i kam inap nau. Tude yumi no save. Tasol i luk olsem moa long 8,000 wokman olgeta i no gat wok. Sampela moa wokman bai lusim wok liklik taim bihain.

Sampela fektori na kampani i bruk daun pinis na planti ol wokman bilong ol i painim ples. Planti bisnis insait long kantri i painim dispela hevi na wok bilong ol i pundaun. Olsem planti man i wok long painim sampela kain wok long ol narapela kampani gen.

Hetman bilong ol kampani i singautim Gavman long lukluk insait long dispela samting. Tasol Gavman i no mekim sampela samting long stretim dispela hevi. Olsem na planti ol dispela kampani i bruk daun na pasim wok bilong ol.

## BEN WAUNS

Ol dispela hetman i laikim Gavman i mas traim stapim planti samting i save kam long narapela kantri. Long wamen planti kampani insait long PNG i ken kamapim ol wan kain samting tasol insait long kantri. Na watpo yumi laikim ol dispela samting i kam long ovasis?

Sapos Gavman i no harim tok bilong ol na mekim sampela samting, bai planti kampani na fektori insait long kantri i bruk daun. Na planti ol wokman bai pinis long wok. Ol bisnis na developmen insait long PNG i no inap go het gut.

\* Kopra Industri i bin rausim samting olsem 2,000 wokman bilong ol namel long mun Jun na Disemba 1981.

\* Braun Riva Timba Kampani i bin rausim

60 wokman olgeta long Erima So Mil klostu long Mosbi yet.

\* Star Kist Kampani long Rabaul i rausim 500 wokman bilong gen.

\* PNG Fores Prodak long Bulolo i rausim 614.


\* Armco (PNG) Pty Ltd., long Lae i rausim 30.

\* Tru-Kast Faundri long Lae i rausim 40.

Planti ol arapela kampani tu i rausim wokman bilong ol pinis. Rothmans Sigaret Kampani na Niugini Bildas long Lae i bin rausim sampela wokman bilong ol tu.

Presiden bilong PNG Semba ov Komes, Mista John Cruikshank i bin mekim strongpela toktok i go long Gavman long lukluk insait long dispela asua. Em i tok olsem, "Gavman bilong yumi i no save painim sampela gutpela we bilong helpim ol bikpela industri bilong yumi. Taim ol bikman bilong Gavman i wok long kisim gutpela malolo i stap, ol bikbos bilong ol kampani i wok long rausim ol wokman na pasim wok bilong ol. Em i no gutpela pasin tumas?"

Em i tok, "Mipela i no wari long resis wantaim ol bikpela kampani long narapela kantri. Tasol mipela i no laik lukim gavman bilong yumi i larim ol i winim mipela. Long wanem industri bilong yumi i no inap go het gut, sapos gavman i no wokim sampela rot long stapim ol samting



Franky Mayo na Otio Umafio bilong Lufa, Isten Hailans i sindaun ausait long Leba Opis, Mosbi. Ol i wok yet long painim wok. Tasol sori. Nogat wok.

i kam long ovasis."

Long last wik tasol, kampani bilong wokim ol paip, Armco (PNG) Pty Ltd., i rausim 30 wokman bilong en. Gavman i tekewe pinis kontrak bilon gol long salim ol paip i go long Dipatmen bilong Wok na Saplai.

Menesa bilong Armco, Mista Chris White i tok olsem kampani bilong em bai salim pas i go long Dipatmen bilong Foren Afeas long kisim sampela helpim, bikos Armco i wanpela lokal industri. Em i tok olsem, "Mi no amamas tumas long dispela kain pasin Gavman i mekim. Gavman i no save

harim singaut bilong ol kampani insait long PNG na helpim ol long kirapim wok i go het.

"Sapos Gavman i no wokim sampela samting long helpim ol industri long kantri, bai yumi lukim olsem ol bisnis nabaut i pundaun olgeta. Narapela kampani bilong wokim ol plastik paip long Lae tu bai painim dispela hevi bihain."

Ol memba bilong PNG Semba ov Komes i gat belhevi long dispela trabel. Ol i tokaut olsem ol dispela asua i stap daunbilo i save bagarapim ol kampani.

1. Planti ol bisnis i no kamap gut. 2. Kantri bilong yumi i no gat planti gutpela saveman bilong wok. 3. Pe bilong planti samting i wok long go antap. 4. Planti ol wokman i no tingting long kamapim gutpela wok. 5. I no gat planti gutpela helpim i kam long Gavman.

Ol i tok olsem ol dispela asua i save mekim ol bisnis i pundaun. Em nau mani i no inap kamap gut na bihain bai ol wokman i painim ples. Na sindaun bilong ol pipel bai bagarap. Dipatmen bilong Leba na Industri wantaim PNG Semba ov Komes i bin mekim wanpela wok-painim long kisim namba bilong ol kampani i painim dispela trabel. Na tu ol i laik painimaut hamas wokman i bin pinis long ol dispela kampani. Dispela wokpainim i karamapim 214 kampani na 33,399 wokman i stap long wok long mun Disemba,

1980.

Ol dispela kampani i bin kisim sampela moa wokman namel long Disemba 1980 na Jun, 1981. Pastaim ol i gat 33,399 na bihain namba i go antap gen olsem 36,219 olgeta. Tasol long namba tu hap bilong yia 1981, ol i rausim sampela wokman.

Long mun Disemba 1981 ol dispela 214 kampani i gat 31,520 wokman tasol i stap yet wantaim ol. Sapos dispela wok-painim i karamapim planti ol narapela kampani long olgeta hap bilong PNG, ating bai ol i ken painimaut olsem planti ol wokman i pinis long wok.

I luk olsem bai i gat moa long 400 o 600 wokman olgeta i pinis long wok bilong ol. Na tu, ol i bilip olsem dispela kain sik bai kamap moa bihain. Tasol ol i no save yet long hamas wokman tru bai painim ples long dispela taim.

Bougainville Kopa Kampani long Not Solomons Provins i no bin kisim dispela sik yet. Menesa bilong kampani, Mista Paul Quadling i bin tokaut olsem i no gat asua i kamap namel long wok bilong ol, I tru. Sapos dispela kain sik i kamap bihain, bai planti wokman i kisim nogut.


Sapos Gavman bilong yumi i tingting long ol wokman, em i mas kamapim sampela rot. Em i mas traim helpim ol bisnis i go het. Yumi no laik lukim planti man i no gat wok na raun nating nating long ol biktaun insait long Papua New Guinea.



Mai Pou

"Lek i tait, bun i les. Mi no inap tru painim wanpela wok hia long Mosbi." Mai i bilong Wesen Hailans

## Bisnis Long Ros Masin Stori pes 7



# Nesenel Rimembrans De 23 Julai



Planti pipel i save long dispela lapun man. Yawiga bilong Is Sepik i soim ol medal em i bin winim long taim bilong woa.

**OL pipel bilong PNG bai makim namba wan Rimembrans De bilong kantri long 23 Julai long dispela yia.**

Long dispela de Julai 23 1942, namba wan lain soldia bilong PNG, ol soldia bilong 1 Papan Infantri Batalion, i bin bungim na pait wantaim ol soldia bilong Japan long Awala, Noten Provins.

## Anna Rongap

Bipo PNG i save tingim ol pipel husat i pait na dai long woa long Anzac De. Tasol dispela de em i bilong Australia na Nu Silan. Olsem na bihain long Independens, gavman i bin stapim dispela de olsem wanpela pablik holide. Ol i tingting long painim wanpela de bilong PNG stret na ol i ting dispela de, 23 Julai em i makim stret kantri bilong yumi.

Long olgeta hap bilong kantri olkain selebresen bai kamap long makim dispela de.

PNG Difens Fos em i pikinini bilong 1 Papan Infantri Batalion na Niugini Infantri Batalion. Olsem na

i go moa long pes 5



Geibob Masawa i sindaun stori wantaim Giwising Tailabuo (lephan) Simbidu long opis bilong em.

**OL pipel husat i save karim ol komplek o wari bilong ol i go long RSL long Lae i save lukim pes bilong Geibob Masawa.**

Em i bin seketeri long sab brans bilong RSL long Huon long 1957 yet. Na em i bin wanpela bilong ol pipel husat i go pas long kirapim PNG Eksevisman Klap long Voco Poin.

Em i go pas long bungim K700 long ol sevisman long Lae na Finsafen. Na Distrik Komisina i bin givim sampela mani long ol long kirapim dispela klap.

Olgeta de Geibab i save wok long opis bilong RSL. I gat planti pas na ripot i save kam long ol eksevisman na arapela pipel husat i bin pait long woa. Ol dispela pas i save askim long kisim kompensesen.

Geibob i save gut long lo bilong givim kompensesen i go long ol pipel husat i bin stap insait long PIB, NGIB, AIB na RPC.

Geibob i stori long taim bilong namba tru wol woa. "Long taim bilong woa, mi bin stap long Angau hetkota we

mi wok olsem wanpela manki masta long wanpela bikpela kiap.

Bihain wanpela opisa i kam na kisim mi go long NGIB. ami hetkota. Long dispela taim mi bin stap long ples bilong mi long Butibum.

Long 1942 mi bin putim nem bilong mi long joinim ami. Mi wanpela pesman bilong putim nem long ami. Na bihain planti lain i kam long Wampit.

Long taim mipela i stap long trening depo, ol opisa i laik mi kamap signal man. Ol waitskin i salim oda na mi save tainim long mos kod.

Mi wok long lainim mos kod gut. Na bihain mi skulim ol sampela lain long dispela wok.

Mi raun wantaim kampani long taim ol i go pait long Wes Nu Britan na Rabaul. Long 1946 mi kam bek long Lae.

Mi stap ful kopral olsem na mi kisim kompensesen fi inap long K1,040. Mi amamas long kam insait lon gopis bilong RSL. Long wanem mi ken traim long helpim planti man husat i laik kisim kompensesen long woa. Long dispela wok bilong mi, ol mi givim moa laip membasip namba long RSL.



Ol kain kros olsem i makim matmat bilong ol pipel bilong PNG long taim bilong namba tu Wol Woa. Nogat nem long ol, dispela hap tok "Native Boy."



NESENEL RIMEMBRENS DE — JULAI 23, 1982

Wanem as bilong Nesenel Rimembrans De

Long apinun bilong 23 de bilong mun Julai 1942, namba wan Papan Infantri Batalion i bungim na pait wantaim ami bilong Japan long Awala, Noten Provins. Em i namba wan taim tru wanpela lain PNG soldia i bungim na pait wantaim ol soldia bilong Japan. Na ol i kisim "Baptismo bilong Paia"

Difens Fos bilong tude em i pikinini bilong Papan Infantri Batalion na Niugini Infantri Batalion. Olsem na kantri i selebretim Nesenel Rimembrans De long makim namba wan taim ol soldia bilong kantri i kisim Baptismo bilong Paia.

Rimembrans De i makim Foapela samting

- Onaim olgeta pipel husat i dai long Namba 1 na Namba 2 Wol Woa long Papua Niugini.
- Onaim olgeta pipel husat i bin stap insait long woa — Ol kagoboi na arapela pipel husat i wok wantaim Angau, ol doktaboi, koswasa, PIB, NGIB, Niugini Volantia Raifel, na ol pipel bilong PNG husat i stap insait long ami bilong Japan. Na tu, yumi onaim olgeta ovasis kantri na sapot grup husat i helpim PNG long dispela tupela woa.
- Tingim ol soldia bilong PNG husat i helpim ol pipel bilong Vanuatu long kisim Independens bilong ol.
- Onaim wok bilong Difens Fos, Plis Fos, Korektiv, na Paia Sevis.

Program — Nesenel Kapital Distrik

9.00am Putim ol plaua long Ela Bis Woa Memorial na ol lain i mas i go long Sir Hubert Murray Stadium. (Ol i ting long soim muvi, "The Angels of War" long san long Sir Hubert Murray Stadium.)

5.00pm Difens, Plis, na Korektiv bai bung wantaim long wokim, Beating of Retreat na daunim Nesenel Plak long taim san i go daun.

Nesenel Program

Ol i prinim pinis ol posta long givimaut long olgeta hap long PNG. Ol niuspepa bai putim ol stori na arapela samting long makim dispela de.

NBC bai wokim spesel program bilong makim dispela de. Na bai ol i brotkas long ol samting i kamap long kantri long makim dispela de.

Difens Fos, Plis, na CIS long Manus, Morobe, na Is Sepik bai wok wantaim provinsal gavman long ol selebresen bilong dispela de. Na long ol arapela provins, bai Plis na CIS i wok wantaim ol provinsal gavman.

HADIBAIA HEREVA

Guna World War 2 (Tanobada tuari iharuana) lalonai vareai taudia hegeregere: soldia taudia, kolu huaia taudia, medikolo taudia bona taunimanima daika ANGAU totona idia gaukaraia taudia be hegogo badana karaia lalonai vareai totona ai noidia; bona idia danu nega tamona do idia haboua oreadia haida be: tauri murinai ami dekenai vareai tau gunadia, Scouts, Guides bona Boys Brigades.

Bema umui ura inai hegogo badana totona masi (march) karaia Ela Beach War Memorial dekenai ia noho Nesenel Capital District lalonai neganai mani emui kara inai telephone No. 24 2253 dekenai umui boiboi karaia emui ladadia bona edena orea totona do umui vareai kahanai sivarai ibounai henia.



Long taim bilong woa ol pipel bilong PNG i bin pait wantaim ol soldia bilong Australia na Amerika na sampela i bin stap insait long ami bilong Japan. Hia em piksa bilong John Godwin na ol lain paitman bilong em long hap bilong Is Sepik Provins.



Wanpela man bilong PNG i wok long tren long pait wantaim ol soldia bilong Australia. Ol i trenim em long we bilong pait wantaim ol soldia bilong Japan.



Woa i pinis moa long 40 yia i go pinis. Tasol ol pipel long ol viles i wok long painim yet ol olupela bom na katres. Hia yu ken lukim ol pipel bilong Embi long Noten Provins i bungim ol olupela katres i stap.

i kam long pes 4

dispela de 23 Julai em i de PNG i ken tingim ol pipel husat i pait long namba wan wol woa. Long wanem em i namba wan taim ol soldia bilong kantri stret i bin bungim ol birua na pait.

Planti pipel bilong PNG i bin dai long dispela tupela woa. Na planti i kisim bagarap.

Nau moa long 40 yia bihain, i gat ol olupela samting bilong pait i slip i stap yet long ol bus. Sampela em gavman i kisim na putim long museum long Mosbi. Planti iros i stap nabaut long bus na nambis.

Ol pipel husat i pait tu long woa wantaim Australia i kisim kompensesen pinis. Tasol wanpela lain, ol kagoboi i wok long traime yet long kisim kompensesen bilong ol. Gavman bilong Australia i no luk save long bikpela hatwok dispela lain i bin kamapim insait long woa.

Ol soldia bilong Japan i wok long kam bek gen long PNG long lukim ples na matmat bilong ol pren bilong

ol. Na sampela i kirapim ol pren grup insait long PNG.

Olgeta provins insait long kantri i gat stori bilong ol yet long wanem kain samting i kamap long taim bilong woa. Sampela i gutpela stori, sampela i stori long olkain hevi na birua ol pipel i bin painim long dispela taim nogut.

Rimembrans de tingim 4-pela samting.

\* Onaim olgeta pipel husat i dai long namba wan na namba tu wol woa.

\* Onaim olgeta pipel husat i bin wok helpim long taim bilong woa. Ol kago boi, doktaboi, kos wasa, PIB, NGIB, PNG Volantia Raifel na ol pipel bilong PNG husat i stap insait long ami bilong Japan.

\* Ol arapela kantri long wol husat i helpim PNG long taim bilong pait.

\* Tingim wok ol soldia bilong PNG Difens fos i helpim ol pipel bilong Vanuatu long kisim Independens bilong ol.

\* Onaim wok bilong Difens, Plis, Korektiv na Paia Sevis insait long PNG.

## MAN I SAVE PAINIM YET OL BALUS BILONG WOA



Bruce Hoy i sanap klostu long balus bilong woa em ol i slip i stap nau long woa museum long Gordons.

**BRUCE** Hoy em wanpela man i save gut long olkain woa balus i bin flai long PNG long taim billong namba 2 Wol Woa.

Opis bilong em i pulap long olkain ripot na buk bilong ol dispela woa balus. Wol bilong opis bilong em i gat wanpela mep bilong PNG i stap. Na olkain kala pin i makim ol ples insait long PNG we ol i bin sutim daun ol balus ya long taim bilong woa.

Ausait long opis bilong Bruce, ol hap ensin bilong ol olupela balus i hip i stap. I gat ol balus bilong Japan tu i stap long dispela yad, we i gat wanpela poket naip, wel bilong putim long gras, na masis bensin.

Bruce i bosim museum bilong ol balus, sip na ol i bin yusim long taim bilong namba 2 Wol Woa long PNG. Dispela museum em i stap long Gordons, Mosbi.

Bikpela intres tru bilong Bruce em long painimaut moa long wok bilong US Fifth Eafos long taim bilong woa. Long taim em i bin wok wantaim DPI, em i bin go raun long bus wantaim sampela pren bilong em. Na ol i bin painim wanpela woa balus bilong Amerika. Em i tok, "Mi sindaun long sit bilong pailot na mi tingting ol pailot i pilim olsem wnaem long taim ol i flaim dispela balus moa long 30 yia i go pinis.

Bihain long dispela Bruce i stat long painimaut moa long ol balus i bin pait long PNG inap 11-pela yia. Bihain em i lusim DPI na kam wok long dispela museum. Na wok bilong em nau em long painim ol balus, gan na ol arapela samting em ol soldia i bin yusim long woa long PNG. Na em i mas putim ol dispela samting long ples we ol pablik i ken lukim.

Em i tok, "Planti senis long laip bilong ol pipel long PNG i bin kamap long taim bilong woa. Na mipela i gat bikpela wok long stretim ol samting we ol pablik i ken lukim na save long wanem samting i bin kamap long taim bilong woa."



# WOK KAGO TASOL

Dia Edita - Wapela pasin mi lukim i no stret. Ol pipel bilong Ramo viles long hap bilong Atiape i save mekim wapela kain wok bilip. Na dispela wok bilip i no stret. Planti pipel i wok long tingting em wanem kain wok ya dispela lain bilong ples ya i save mekim long en.

Dispela wok bilip i no tru, em i olsem wapela kain wok bembe. O ating bai yu kolim kago kalt. Ol i save bungim olgeta pipel long wapela haus olgeta nait na sindaun stori. Na ol tokim dispela pipel long i no ken kaikaim ol kaikai olsem pik, muruk, sikau, abika, tulip na tu kaiaki buai. Ol i tambu nau long ol dispela samting.

Na ol dispela pipel i sutim toktok long ol Pater bilong I misin olsem i gat gutpela samting God i givim long ol na ol Pater i save haitim na ol yet i yusim dispela gutpela samting na toktok. Mi laik askim dispela ol pipel bilong Ramo viles i save slip na lukim ol dispela samting i kamap long driman bilong ol o bai

ol kamap olsem wnaem.

Na yupela i tambu long dispela kaikai bai yupela kaikai wanem samting nau. Sapos yupela i sik na i go i stap long haus sik em bai wari bilong yupela long tambu long ol gutpela kaikai.

Dispela pasin yupela mekim i no stret tru. Na yupela i no ken tok stil long ol misin ol i kam long givim tok bilong God long mipela. Ol tasol i mekim dispela kantri kristen kantri. Tasol mobeta yupela lusim dispela wok bilip yupela mekim. Em bai i no inap bringim wapela gutpela samting long yupela. Nogat tru. Em tasol tok save bilong mi i go long yupela. Sindaun isi na wok gut long kamapim gut ples na famili bilong yupela.

Michael Rimba, Sumo, Aitape.



# MI LAIKIM 5-MINIT WANTAIM P.M

Dia Edita - Mi laik autim dispela toktok bai olgeta man long PNG i ken lukim. Toktok ya i bin kamap long Wantok Niuspepa namba 424 bilong Julai namba 2 de.

Insait long dispela toktok Sir Julius Chan, Praim Minista bilong PNG i tok olsem em i laik bungim olgeta mamba bilong koalisen pati nau i kamapim gavman. Em i tok bai em i putim ol wantaim na kamapim nupela gavman gen bilong go het olsem ol mekim bipo.

Tasol mi laik askim Praim Minista sapos Wantok i givim mi 5 minit long lukim. Sapos em gohet olsem

gavman na bai bosim husat tru. Mipela, planti pipel bilong dispela kantri i les, na i no laik long gavman bilong em.

Ol pipel bilong dispela kantri i lukim planti kain asua i wok long kamap. Na ol i les pinis long dispela gavman. Dispela i taim ol pipel i laik senis i kamap. Na yupela husat bikpela man olsem Praim Minista mas lusim dispela sia nau yupela i stap long en na i stap ausait na lukluk long ol kain mistek yupela i mekim na ol gutpela samting yupela wokim.

Lukluk, glasim gut pastaim orait bihain traim i go sindaun long

dispela kain sia gen. Maski long hangre tumas long hoim pawa. Yu ting olsem yupela helpim ol pipel bilong dispela kantri? Mipela ol pipel i save olsem ol gutpela taim em bilong yupela. Yupela save toktok tasol na hat wok bilong ol lebaman i save wok long opis bilong yupela ol klak nabaut. Mipela laik lukim senis.

Jackwyn Tozimo, Lae.

Salim ol pas i kam long WANTOK BOX 1982 BOROKO

# RAUSIM OL SEPIK LONG MADANG

Dia Edita - Hia long Madang taun nau ol Sepik i pulap tru. Olsem wanem? Provins bilong ol i nogat graun o? Na ol i kam pulap tru long Madang i stap.

"Mobeta ol pipel tasol i wok i kam i stap. Tasol nogat. Ples kanaka tu i pulap stret. Madang taun i luk olsem Sepik taun nau. Madang Provinsal gavman i mas givim ripot long plis na ol Sepik pipel i no gat wok mas rausim ol na i go bek long Wewak o ples bilong ol long provins bilong ol yet.

Na nau long Madang taun ol liklik

manki Sepik i save tromoi ston antap long ol kapa long rup bilong ol haus bilong mipela ol pipel i stap long taun. Ol i save brukim ol haus i go inait na stilim ol samting na wokim ol rabis pasin. Olsem na mipela olsem ol pipel bilong arapela ples. Mipela i no amamas long dispela kain pasin ol pipel bilong narapela hap i kam sindaun long graun bilong mipela mekim rabis pasin olsem.

Mipela ol pipel bilong asples tu i no laik ol pipel bilong Sepik i painim graun long Madang long sindaun. Ol i mekim olsem, ol nogat graun long ples bilong ol tru.

Bilong wanem tru na ol i kam i stap. Ol i no inap sindaun long ples bilong ol na wokim bisnis? Siti Kaunsil na Provinsal gavman i mas lukluk gut long dispela kain hevi nau i wok long kamap. Sepik i no gat graun. Ples tais tasol na yupela i kam pulap i stap long Madang?

Traim wokim pasin NSP Provinsal gavman i mekim long rausim ol Sepik na Hailans pipel i stap nating long i go bek long ples bilong ol. Na dispela tasol i gat wok ol larim i stap. Na ol painim graun bihain pulap long Sepik bai ol Madang tru nogat graun bilong sindaun. Na husat i laik wokim bisnis bai nogat spes long sindaun na ranim bisnis.

Yoanes Ararua, Madang Tru.

# NU AILANI NO BILONG PPP

Dia Edita - Mi laik bekim sampela toktok bilong wapela kunsila bilong mipela insait long Namatanai. Em i wok long kamapim ol toktok bilong em long Redio Nu Ailan.

Yes, Kaunsil Aririan! Yu bin tok olsem Namatanai i ples bilong PPP tasol. Na tu yu tok olsem insait long Nu Ailan Provins, em ples bilong PPP. Nayu tokim mipela ol pipel long ol mamba bilong PPP tasol i go long Palamen.

Na tu, yu tok olsem Michael Somare i westim taim bilong em long kam insait long Namatanai. Orait, mi laik askim yu nau. Bilong wanem tru wapela kandidate bilong Pangu Pati i winim sit long Kavieng Open?

Bilong wanem as tru na tupela mamba bilong PPP hia i kisim kain namba olsem insait long asples bilong PPP? Praim Minista na Papa bilong PPP, Julius Chan i

kisim 8 tausen 333 na Noel Levi i kisim 8 tausen 998.

Mista Ezekeiel Mering i kisim namba aninit long Julius Chan. Na Michael Singan i kisim namba aninit long Noel Levi. Tupela i sanap olsem Pangu kandidate. Yu ting wanem? Ol pipel bilong wanem hap tru i bin kamapim dispela namba?

Wapela Pangu man tu i bin ran aninit tasol long Noel Levi na i kamap namba 3. Yu

ting ol manmeri long wanem hap tru i kamapim dispela namba? Em mipela ol pipel bilong yu long Nu Ailan Provins.

Olsem na mi ting Pangu Pati i gat bikpela sapot i kam long pipel insait long dispela hap bilong yu. Mi mas tok save i go long ol Pangu sapota. Yupela i no ken wari tumas. Stap isi tasol na wetim narapela 5-pela yia i kam pastiam na traim gen.

Silvanus Laulam, Kavieng, NIP.



**CALLING ALL BANDS WE SELL**

- amplifiers & speakers
- drumsets, sticks, skins
- guitars; electric; bass and ordinary
- strings & keys
- Music Books
- na ol kainkain samting long music

at **ROOKS RADIO**  
P O BOX 191, LAE.  
(Behind B.P.)  
PH: 42 4616.

# 1987 BAI YU KAM BEK

Dia Edita - Long makim maus bilong olgeta manmeri bilong Gai Nigle long hap bilong Gembogol distrik, mi laik salim bikpela amamas i go long Mista Iambakey Okuk husat i lusim sia bilong en long Palamen long Pangu kandidate Mista John Nilkare.

Mipela i tok tenkyu long planti wok. Na ol kain wok yu bin bringim insait long dispela provins bilong yumi na kantri tu.

Mipela i sori na wari nogut tru olsem yu bin lusim sia bilong yu long dispela ileksen. Tasol em 5-yia tasol. Yu ken sanap gen long narapela bikpela

ileksen bilong kantri em bai kamap long 1987.

Planti manmeri bilong dispela kantri bai i no inap long lus tingting long bikpela wok yu bin mekim long ol dispela taim yu i stap long wok politik. Bikpela wok tru yu mekim taim yu i stap long gavman olsem namba tu Praim Minista.

Ol Hailans pipel bai tingting long yu olsem wapela strongpela lida bilong mipela. Bai ol tingim yu olsem wapela bikpela man tru bilong Hailans, i no save pret long ol arapela mamba. Yu save gut tru long mekim wok bilong yu


wantaim ol man bilong narapela kantri na kamapim gut wok bilong Air Niugini na nupela balus olsem Kumul 1, 2 na Des 7 balus.

Mipela i ting bai yu kamap namba wan Praim Minista bilong Hailans rijen tasol taim yu lus long ileksen. Mipela asples longlong. Nogat narapela kain man bilong Hailans olsem yu i ken kisim ples bilong yu.

Tasol, i orait mipela i ken wok tasol na wet i stap na lukim ol wok bilong nupela mamba bai kamap olsem wanem.

John Kawage, Gai Nigle, Simbu.

# BIABIA



# Ros Masin Kamapim Mani

PLANTI man i nogat wok nau. Hia em stori bilong John Aida wanpela Saten Hailans bipo i stap nating long 6 mail. Em i painim wanpela ros ensin long ples pipia, em stretim na kirapim wok long skrapim kokonas long maket. Ritim stori na save long gutpela aidia bilong John.

Maski bikpela san. Maski maket i pas tru long ol kaikai na pipel. Boi ya, enitaim. Em i save singaut, singaut yet. Klsotu long em i gat pilai laki i kamap we ol save yusim laut spika. Tarangu, John! Tasol no waris, em save givim nating long maus.

**Laip Long P.N.G**

Taim em singaut, em i save apim wanpela lek na hap kokonas nau tasol em brukim. Sapos yu lukim bai yu lap bikos i olsem wanpela mangi stret. Em mekim olsem bilong winim laik na mani bilong ol manmeri. Na dispela i bringim moa pipel i go klostu na sanap lukluk long stail em wokim. Em i singaut wantaim na skrapim kokonas. Man, i moa yet. Na ol pipel i save laikim em tru.

**HIAEE, ha.... He, ha. Yu kam. Foti toea tasol. Nogat ah? Bilong yu poro twenti toea tasol. Kisim i kam na mi wokim isi long yu. Nogut yu go long haus na hat wok. Yupela kam, yupela kam tasol.**

Dispela em singaut na gris bilong John Aida, man bilong skrapim kokonas long masin long Gordons Maket, Mosbi. Taim ol pipel i salim kaikai bilong ol em tu i hatim wok bilong em long skrapim kokonas. Tasol em skrapim long narakain we liklik.

John i bilong Tari long Saten Hailans Provins. Na masin bilong em i no bikpela, liklik tru. Tasol nois bilong en i no isi, yu sanap klostu bai em pasim yu stret. Em i



John Aida skrapim kokonas i stap long masin. Kokonas bai pundaun i go daun long dis ya.

tanim kokonas long masin na wantu wok i pinis. Dispela em i nupela samting tru i kamap long maket long

Mosbi. Olgeta maket nogat, long Godons tasol.

John i tok, "Mi save baim kokonas na pul-

mapim long bikpela rais bag na i stap. Na mi kisim wan wan na skrapim. Bihain mi putim ol kokonas mi skrapim pinis i go long ol liklik plastik bag. Na hangamapim i stap. Na husat i laik baim i save kam baim long 40 toea.

"Mi baim kokonas long 20 toea pastaim orait mi sasim narapela 20 toea antap long skrapim long masin.

Sampela manmeri i kisim kokonas bilong ol yet i kam. Na mi save skrapim ol na ol i baim long 20 toea.

"Em wan minit tasol long skrapim wanpela kokonas long masin. Olgeta de long moning taim tru long 7 klok mi save putim wel na bensin long masin. Mi pinisim K2 long baim wel na K2 long baim bensin bilong ensin long olgeta wik.

"Dispela em aidia bilong mi na brata bilong mi. Mipela painim hap masin ya long 6 mail i stap. Ol i tromoi long ples pipia. Em ensin bilong masin bilong katim gras. Em i nogut na ol i tromoi. Mipela painim na stretim gut tru. Mipela boim let bilong tanim masin ya na joinim samting bilong skrap long en. Mi traime na em i wok gut. Em nau mi bringim long maket na kirapim wok. Mi wok 4-pela wik nau long maket.

"Namba wan wik i nogat planti pipel i kam. Samting olsem 5-pela man long wanpela de. Tasol nau i gat

# Ripot Bilong Dispela Wik

**FRAIDE 16 JULAI** - Man i sanap makim Indonesia long PNG, Meja - Jeneral Abdul Aziz Bustam i dai long Manila Haus Sik. Em i bin i gat liklik sik. Em i bin kisim ples bilong Meja - Jeneral Busiri Suryowinoto dispela taim. Nau bai Mista Asirdin i lukautim Indonesia Embasi, Opis long Mosbi i stap. Bihain bai ol yet i makim man long kisim ples bilong Meja - Jeneral Abdul Aziz Bustam.

\* Beng bilong PNG i kamapim profitmani olsem K14.5 milion long yia 1981. Fainens Minista, Mista John Kaputin i tok ol bai brukim K13 milion long dispela mani na putim tasol i stap. Na K1.5 milion bai go insait wantaim ol sampela takis mani bilong beng yet.

\* Nesenel Yunion ov Studen long PNG i makim Gabriel Ramoi, nupela mema bilong Aitape-Lumi Open, long kamap bikpela presiden bilong ol.

\* I gat narapela hevi i kamap namel long dispela sels takis bilong Isten Hailans Provins. Sampela kampani i no save hariap long givim mani bilong ol i go long Provinsal Gavman. Sapos ol i painim wanpela kampani i no peim dispela takis insait long tupela mun bai dispela kampani i baim kot long K500.00.

**SANDE 18 JULAI** - Wanpela topman bilong pablik Sevis i lusim wok bilong em i risain. Em Vincent Eri bilong Galp Provins. Em i lusim posisen olsem Seketeri bilong Difens na i go wok olsem pesonel menesa bilong Harison na Krosfil (PNG) Ltd long Lae.

**MANDE 19 JULAI** - I gat 100 manmeri olgeta i wet long Rabaul ples balus long givim welkam long namba wan F28 balus i pundaun long hap. Ol F28 i ken flai i go long Rabaul nau. I bin i gat bikpela kot namel long ol PNG Pailat Asosenen na Dairekta bilong Sivel Eviesen, Mista Joe Wal. Ol pailat i tok olsem Rabaul ples balus i no gutpela tumas. Bai gat birua i kamap. Tasol kot i sakim tok bilong ol na tok olsem F28 i ken pundaun long hap.

\* Nesenel Kot i kisim hap pepa bilong sampela mema husat i bin lus long Nesenel ileksen. Pepa i kam long Matiabe Yuwi, Delba Biri na 4-pela arapela man husat i bin lus long Kairuku - Hiri Open. Ol i laik paitim toktok long kot long wanem, ol i bilip olsem ol narapela mema i



yusim kranki pasin nabaut long ileksen na winim ol.

\* Minista bilong Lika Laisensing i tok olsem bai bia i no inap pas long Rimembrans De holidie long Faide Julai 23. Ol man i ken dring bia long laik bilong ol. Tasol sapos trabel i kamap bai bia i no inap op gen long sampela holidie bihain.

12 inap long 20 pipel i kamap.

"Yu save pinis, planti i gat skrapa i stap long haus olsem na sampela tasol i laik mi skrapim kokonas bilong ol hariap. Na tu ol lain i les long mekim dispela wok long haus i save kam long mi. Insait long dispela 4-pela wik tasol mi winim K150 olgeta.

"Planti ol pipel hia i askim mi long dispela aidia, tasol mi no laik tokim ol. Sapos mi tokim ol bai stat long putim long narapela maket na winim mi long kisim moa mani. Mi wantaim brata bilong mi i tingting nau long painim narapela ros masin olsem na traime putim long ol narapela maket tu.

"Bipo mi stap nating


wantaim brata bilong mi long 6 mail, inap long taim mi kisim dispela aidia long painim mani.

"Long 8 klok moning mi stap inis long maket inap long 6 klok. Apinun mi putim ensin long ka na karim i go long haus gen.

"Stat long Sande inap long narapela wik Sande nogat de bilong malolo. Em i samting bilong wok isi isi tasol. Kain olsem i no bilong wokim mani hariap K5.00 o K10 em inap. Em bilong traime tasol. Na tu bilong soim ol pipel olsem i gat nupela kain adia olsem. Na mi save amamas tru bikos planti pipel i laik lukluk long stail mi wokim."

• Pauline Laki

## SAWN TIMBER For the handyman



**Sabusa Sawmilling Co. Pty Ltd.**

CAN NOW BE PURCHASED FROM OUR TOWN YARD WHICH IS SITUATED AT SANDERS SALVAGE YARD, WAIGANI DRIVE, HOHOLA.

OPPOSITE ARROW BAKERY.

MON - FRI - 8AM - 4.30PM  
SATURDAY - 8AM - 11.30AM.

HARDWOOD - SOFTWOOD - FLOORING - WEATHERBOARD - MOULDINGS - DRESSED & ROUGH SAWN TIMBER

# Makim Meri Insait Long Palamen?



Hughes Sailas

**Hughes Sailas i bilong Maiemsarian viles long Kaipit, Morobe Provins. Em i wok long botol sop long Stimsip Supamak long Boroko.**

Hughes i tok, "Mi no laik lukim meri i go

insait long Palamen.

"Long wanem ol i bin bagarapim gutpela wok bilong Somare Gavman long bipo. Na tu i bin i gat planti samting i go rong long gavman taim ol meri i stap long Palamen. Mi no laik lukim ol dispela kait pasin i kamap gen long Palamen.

"Em i tru. Planti meri tru i gat bikpela save na ol i kisim wan kain wok olsem ol man. Tasol insait long Palamen em i nrapela samting olgeta. Taim ol meri i stap ol i putim kamap planti samting. Tasol mi lukim olsem ol i wok long apim nem bilong ol tasol.

"Yumi olgeta i

lukim pinis. Ol meri long gavman bipo i bin traim long kamapim samting long laik bilong ol yet. Ol i laik winim save bilong ol man o olsem wanem? Dispela em i wanpela bikpela asua mi no laik long lukim i kamap gen.


"Bipo yumi save harim nem bilong kain meri olsem Nahau Rooney, Josephine Abaijah na Waliyato Clowes i kamap long Palamen. Nahau i bin i go kalabus na bhain em i bagarapim gavman bilong Somare. Josephine i bin traim hat tru long brukim Papua i go narapela hap na Niugini i go narapela hap. Waliyato

## Yu Ting Wanem?

i bin kamapim wanpela, politikal Pati bilong em yet.

"Ol dispela meri i laik soim wanem kain samting tru? Ol i laik pulim lek bilong ol man o? Mi ting ol i traim tasol long apim nem bilong ol long Palamen. Dispela kain pasin tasol i bin bagarapim gavman bipo. Mi wanpela i no laik lukim dispela samting i kamap gen long dispela nupela gavman."

I no gat wanpela meri i memba long Palamen. Ol man tasol i pulap i stap. Yu ting wanem? Yu laikim Gavman i makim wanpela o tupela meri i go insait long Palamen nau?



Keni Mas

**Keni Mas i bilong Toba viles, Mendi, Sauten Hailans Provins.**

**Em i no gat wok. Nau em i stap long Gabutu insait long Mosbi tasol.**

Keni i tok, "Mi laikim Gavman i makim sampela meri i go insait long Palamen. Sapos ol meri i go insait long Palamen, ol bai putim kamap sampela wari bilong ol meri insait long PNG. Ol meri bai givim wari na toktok i go long ol na ol i bringim i go insait long Palamen.

Ol meri bai no inap tokaut long wari bilong ol long ol man. Nogat. Ol bai sem ya. Sapos ol man tasol i stap, bai ol i no inap tingting tumas long wari bilong ol meri.

Ol meri i go insait long Palamen bai karim wari na ol kain toktok bilong meri na putim kamap insait long Palamen. Dispela i ken mekim yumi ol manmeri i stap amamas wantaim.

**Joan Kinnahen Paul i bilong Pencil viles long Rambutso Ailan insait long Manus Provins. Em i wanpela saiden long Boroko Plis Stesin.**

Joan i tok, "Sapos wanpela o tupela meri ting ol i ken sanap yumi no ken stapim ol. Na tu ol man i mas lukim gut ol meri i bilong sanap, strong long toktok na makim ol i go insait long Palamen.

"Long tude ol meri i gat wankain save na wankain wok olsem ol man. Wanem kain wok

ol man i mekim ol i ken wokim tu. Bipo ol man i save tambu long ol meri i no ken kisim kain wok bilong ol man. Tasol nau olgeta samting i senis pinis, na dispela pasin tu i senis.

"Bipo yumi lukim Nahau Rooney i stap long Palamen. Em i bin kamapim sampela gutpela samting long helpim ol meri. Na tu em i save toktok strong long kirapim planti samting long hap bilong em yet. Planti arapela meri tu i ken mekim dispela kain wok.



Joan Kinnahen

"Planti meri i gat bikpela save olsem ol man pinis. Sapos gavman i laik makim wanpela o tupela i go long Palamen, em i no gat samting. Yumi no ken stapim ol meri."

**Morua Bresbay i bilong Yani viles. Gumine insait long Simbu Provins. Em i wok na i stap tasol long Mosbi.**

Morua i sapatim aidia long kisim meri i go insait long Palamen. Ol man tasol bai tingting long ol yet. Sapos ol meri i go insait, bai ol i ken tok egensim sampela tok-tok bilong ol man.

Ol meri i mas wok wantaim ol man na mekim sampela gutpela wok long kirapim kantri i go het. Ol man tasol i no inap helpim



Morua Bresbay

tupela sait. Em bai ol i traim long helpim ol sait bilong ol man tasol.

Taim ol man i toktok na lus tingting long samting bilong helpim ol meri, ol meri long Palamen i ken tok egensim dispela aidia. Dispela bai mekim ol manmeri long PNG i amamas long lukim.

**Wendy Kaupa i bilong Buli viles long Saut Simbu. Em i no wok tasol em i stap wantaim man bilong em long Mosbi.**

Wendy i tok, "Mi laikim gavman i makim sampela meri na kisim ol i go insait long Palamen. Long wanem i gat ol man tasol. Na mipela ol meri i olsem wanem? Mipela ol meri i gat save tu ya.

"Sapos ol man tasol i stap long Palamen, bai olgeta samting i no



Wendy Kaupa

inap kamap gut. Ol man bai tingting long ol yet. Ol i no inap tingting long planti samting bilong kirapim wok bilong meri i go het.



Miriam Aina

**Miriam Aina i bilong Konoma viles long Minj insait long Westen Hailans Provins. Em i stap wantaim man bilong em long Mosbi.**

Miriam i tok, "Mi laikim gavman i mas makim wanpela o tupela meri i go insait

long palamen. Em bai mekim mipela ol meri i amamas. Ol dispela meri bai kamap mauseri bilong mipela olgeta insait long Palamen. Sapos ol man i laik kamapim samting long helpim ol yet, bai ol dispela meri i egensim toktok bilong ol.

"Yumi no laik lukim ol man tasol i stap long gavman. Em bai ol i tingting long ol yet. Namba bilong ol meri insait long PNG i winim ol man. Orait, ol meri i mas i gat sampela bilong ol i stap insait wantaim ol man na help long kamapim sampela samting long helpim meri.

## Spak Na Dai

**LONG mun Jun i gat wanpela man indai na 4-pela i kisim bikpela bagarap long birua i kamap long rot long Mosbi. Dispela em i taim tambu long baim na salim strongpela dring. Em i taim bilong ileksen.**

Tasol long tupela wik bhain long taim ol i stat long salim bia gen wanpela man indai na 6-pela man i kisim bikpela bagarap na i stap long haus sik.

Hia em stori bilong dispela man indai. Man ya wantaim famili bilong em i ran i go

long ka long taim man i spak nogut tru. Long wanem, em i dring klostu inap wan wik olgeta na i no pinis. Ka i aut long rot na i go planim stret long wanpela diwai i sanap klostu long rot. Diwai i autim het bilong ka na hap wil i stap long en. Wil i sakim na hamaim bros bilong man. Het bilong ka i bruk na i sut na autim het na pes bilong man olgeta. Man indai wantu tasol.

Meri i hap dai wantaim wanpela pikinini. Tupela wantaim i stap yet long haus sik. Dispela i kamap long Fonde nait, 8 Julai.

**taste the delicious flavour of honeycomb in Violet Crumble**

**NO 1 HONEY COMB BAR**

A quality product fresh from Rowntree Hoadley (Australia) Ltd.



# Bilda Bilong Tolai

**LONG dispela taim, ol bisnis bilong wokim haus i wok long painim taim. Na planti bilong ol i wok long rausim ol wokman long sevim man.**

Tasol bisnis bilong wanpela Tolai bilda long Lae, Isidore Pikire i wok long ran gut yet.



Na em i tok as bilong dispela em bikos em i save skelim gut ol samting pastaim na mekim program bilong em. Liklik bisnis bilong em i stap tasol long wanpela taun.

Na tu em i traim long kisim ol wok i no bikpela tumas we em i save olsem em inap long pinisim hariap.

Isidore i mekim dispela wok bilong em inap 9-pela yia nau. Na insait long dispela 9-pela yia em i lukim planti ovasis na PNG bisnisman i kirapim wankain bisnis bilong ol.

Long taim Isidore i stap wok, ol kampani i save kisim ol Gret 6 skul liva long wok aprentis. Na em i wok

aprentis wantaim Pablik Wok Dipatmen long Lae long 1961 i go inap long 1965. Tasol nau gavman i laik kisim ol Gret 10 skul liva long mekim wok aprentis.


Tasol Isidore i no givap. Em i go het yet long haikul stadi bilong em. Na em i winim wanpela Australia bilding setifiket long korespondens skul. Bihain gavman bilong Australia i bin salim em i go wokim wanpela kos long Sidni inap long 3-pela mun.

Long 1965 i go inap long 1973 em i bin wok wantaim Watkins kampani. Em i tok, "Mi mekim kain kain wok, wok bilong tiboi, klina, karim toktok i go i kam na ol kain liklik wok olsem. Na mi harim olsem Developmen Beng i gat program bilong helpim ol pipel bilong PNG long kirapim bisnis bilong ol. Na ol i gat spesel kontrak wok we ol PNG pipel tasol i ken kisim."

Long 1973 Isidore na wanpela Sepik man husat i bin go kos wantaim em long Sidni, i kisim dinau long Developmen Beng. Na ol i kirpaim bisnis bilongol.

Tasol tupela i no wok gut. Na Isidore i tingting long wokim bisnis bilong em yet.

Em i no inap long kisim narapela dinau long beng. Na i nogat mani long namba wan bisnis ya long helpim em.



Isidore Pikire na ol lain bilong em. Ol bilda insait long kantri i wok long painim taim nau, tasol Isidore i wok yet.

"Mitupela meri bilong mi, Anastasia i wok long painim haus long slip. Mipela i traim Katolik Misin tasol ol i no gat ples. Orait mitupela i go na kisim wanpela liklik rum long Salvesen Ami Hostel. Mipela i no amamas tasol maski, mipela i stap tasol inap 6-pela mun."

Isidore i kirapim bisnis bilong em long ol spesel kontrak bilong Hausing Komisin na gavman. Ol dispela tupela grup i save baim em hairap. Olsem na bisnis bilong

em i ran gut.

Em i tok, "Planti taim mi tingting long givap. Na mi lukim planti arapela bilda i givap, long wanem ol i no inap long pinisim wok bilong ol. Sampela bilong ol i no spendim gut mani bilong ol."

Isidore i wanpela komyniti lida long Wes Traka we em i wokim haus na woksap bilong em.

Planti ol wokman bilong em i stap long Wes Taraka tu. Wanpela bilip bilong Isidore em long no ken

kisim ol wantok bilong em i go insait long bisnis bilong em. Em i tok, "Ol wantok i welkam long haus bilong mi tasol long wok wantaim mimaski."

Ol bilda i ken kisim planti kontrak, tasol dispela i no min olsem bai ol i kisim planti mani tu. Bikpela kontrak Isidore i bin kisim em long wokim 26 haus bilong Hausing Komisin long Buimo rot. Na em i mas pinisim dispela haus insait long 26 wik

tasol. Dispela kontrak inap long K87,000 tasol Isidore i lusim mani long dispela wok.

Long taim em i wok long Yunitek Staf Klap em i bin kisim sik alsa na em i go slip long haus sik. Olsem na nau em i tok bai em i kisim kontrak i stap aninit long K40,000.

Nau ol bilda i wok long painim hat long kisim kontrak. Na planti bilong ol i kisim nating wok. Long wanem ol i mas gat mani long baim ol wokman bilong ol.

Isidore i tok, "Mi wanpela kamdaman, tasol nau mi mas gat save long wok bilong lukautim ol akaun buk bilong bisnis bilong mi. Tasol mi yet i laik wok wantaim ol wokman bilong mi. Mi wari long ol wokman long wanem ol tu i gat famili long lukautim. Nau em i taim nogut. Na planti kampani i wok long rausim ol wokman. Mi wari tasol mi no inap long mekim wanpela samting long dispela taim nogut."

• Susan Addison

# Stail Bilong Bugandi



Sampela studen bilong Yunitek i traim ol smatpela laplap bilong Bugandi Prints. Planti pipel i save putim oda long ol stail laplap ya.

**BUGANDI Prints stua i save kisim kain kain oda long ol klos, laplap, dres, siot.**

Dispela stua i save kisim planti oda long wanem ol i save samapim ol stail PNG klos stret. Na tu, ol dispela klos i gat ol piksa em ol studen yet i printim antap long laplap.

Bugandi Prints is tap? Dispela liklik stua em i stap long Bugandi Haikul yet. Ol studen i penim wanpela klasrum na bilasim long olkain plaua.

Orait ol i wokim wanpela liklik so rum na faktori we ol studen yet i prinim ol disain. Na bihain ol i samapim antap long laplap, sket, dres na siot, na salim long stua bilong ol.

Misis Margaret Fention i go pas long dispela program bilong skul. Na em i tok, "Mipela i samapim ol dispela klos long ol

pipel husat i laik luk smat long taim ol i go wok o long pati.

Ol i gat planti kastama nau. Ol studen na tupela meri, Patricia Giwar na Mora Geon i save kisim planti oda long olkain klos.



Michael Asa na David Nagibo i sanap lukluk long Mora Geoni samap i stap. Michael na David em 2-pela Gret 10 studen husat i save was na lukautim dispela liklik stua bilong ol.

# Kanga I Gat Wara Saplai

**OL** pipel bilong Kanga long Noten Provins i redi long kisim wara i go insait long viles bilong ol. Nau namba wan hap bilong banisim wara i pinis. Na ol i wet long sanapim tupela bikpela tang long ples, we masin i ken pamim wara i go long en. SPATF opis long Mosbi na ATDI long Lae i bin helpim ol pipel bilong Kanga long dispela projek.

**OL** pipel bilong Kanga viles long hap bilong Noten Provins i redi nau long kisim wara saplai i go insait olgeta long ples bilong ol.

Dispela ples i no lus long wara. Nogat. I gat wara i stap. Tasol wara i stap longwe long viles. Olsem na ol pipel i save hatwok oltaim long wokabaut inap hap mail olgeta long kisim wari.

I gat 35 pipel i stap long dispela viles. Insait long viles i gat 12-pela haus na 2-pela tret stua. Ol pipel bilong ples i bung wantaim na lukautim ol kau bilong ol. Tasol

raba fam em i bilong wan wan man insait long dispela viles.

Long taim bilong wokim wara prosek bilong ol, olgeta pipel insait long ples i bung wantaim long wok. Ol mama i helpim long kukim kaikai bilong ol man long taim ol i wok long banisim wara.

Stori na poto,  
Karava Kiri,  
SPATF Publikesen.

Ol pipel bilong Kanga i pasim tok long karim wara i go long ples. Long wanem igat wanpela draia bilong draim ol raba bilong ol i stap long ples. Na i

mas gat wara oltaim long mekim wok raba.

Ol i pasim tok long askim SPTF long helpim ol long dispela wara projek bilong ol. DPI ekstensen opisa bilong ol Emmanuel Suma, i bin helpim ol long askim SPATF long go pas long prosek ya.


SPATF opis long Mosbi i bin salim wanpela opisa bilong ol, Karava Kiri i go long Kanga long lukim dispela wok bilong ol pipel. Karava i bin wok 5-pela yia nau wantaim SPATF na em i save gut long we bilong wokim olkain wara saplai long ol viles.

Wok long dispela wara saplai i bin stat long namba 1 wik bilong mun Julai. Na ol i wok inap 3-pela de olgeta long pinisim namba wan hap. Ol lain bilong ATDI long Lae tu i bin helpim ol pipel long ol paip bilong karim wara. Wanpela opisa bilong ATDI, Rahpael Huria, i bin go pas long dispela wok.

Wara i save kamap long wanpela liklik hulwara klostu long ples. Orait namba wan samting ol i mekim em long digim graun na banisim wara.

Ol i digim pinis, orait ol i wokim simen banis raun long en. Na ol i putim ol skin diwai olsem mambu bilong karim wara i go long dispela raun wara.

Bihain wara i pulap long ranwara, masin i pamim i go daun long ol paip na i go kamap long ol tang long viles.



*Bikpela wok tru i kamap long wokim simen banis long ples bilong banis wara. Ol pipel i wok tripela de olgeta long stretim dispela banis wara.*



*Ol pipel i stretim pinis banis bilong wara. Orait dipela mambu i karim gutpela wara i go long banis wara. Na bihain masin i pamim i go long viles.*

Long viles i gat tap bilong kisim wara. Na bihain long ol i sanapim ol tang, bai ol i ken mekim indai pam long taim wara i pulap long tang. Em bai masin bilong pamim wara i ken malolo.

Viles Ikuipmen Senta i bin lusim K150 long baim ol paip na kisim ol saveman i go long helpim ol pipel bilong Kanga.

Nau wok bilong stretim wara i pinis. Emmanuel Suma bai go pas long wok bilong putim wanpela tang bilong skelim wara i go long viles. SPATF i bin givim K300 long ol pipel bilong Kanga long wokim dispela wara saplai bilong ol. Nau bai ol pipel yet i pinisim olgeta wok bilong en. Ol i hop long pinisim dispela wok long mun Julai long dispela yia.



*Klostu wok i pinis na ol man i sanap na stretim baksait. Ol i wok long digim hul na ol i mas rausim wara i wok long kamap. Bihain ol mambu i karim gutpela wara i go pulmapim dispela hul.*



*Ol pipel bilong Kanga i wok long digim graun nau long banisim wara. Bihain ol i putim paip insait long dispela wara na masin i pamim i go long viles.*



*Em nau taim bilong kaikai na kisim win. Ol mama i wok long kukim kai kai long taim ol man i wok long banisim wara. DPI ekstensen Opisa, Emmanuel Suma i stretim baksait bilong em long as bilong wanpela diwai.*

# ORO MEMBA MAS WOK GUT

Dia Edita - Mi laik givim bikpela tenkyu i go long ol pipel bilong Oro Provins. Na dispela tenkyu i go long olgeta manmeri husat i bin vot long Nesenel ileksen insait long Provins. Mi amamas tru long wanem Mista Embahe i no kisim bek sit bilong em.

Embahe i no bin mekim wanpela samting long Oro Provins. Olsem na ol pipel bilong Oro i laki tru long rausim em. Dispela ol nupela memba i mas wok wantaim long sampela developmen long Oro Provins. Long wanem mipela i nogat ol bikpela samting i kamap long hia. Save i stap long ol nupela memba.

Na long las toktok bilong mi, mi laik salim bikpela tenkyu i go long Mista Embahe long hap wok wm i bin mekim long taim em i stap insait long Palamen.

John Rox,  
Arawa.



# TAIM YU KAMAP GAVMAN TINGIM ASPLES

Dia Edita - Mi wanpela sevisman long Rali viles insait long Mumeng, Morobe Provins. Nau mi laik tok olsem Pangu Pati i winim 52 sit olgeta long Nesenel Ilekseen na em i wet long 5-pela moa. Mipela ol pipel i saptim Pangu tru na i gat bikpela laik long em i mas kamap gavman bilong kantri.

Bipo Pangu i bin kirapim wanpela haus kunai long Moniau viles insait long Mumeng. Na Tony Vutas i bin apim nem bilong Pangu long dispela hap. Tasol mi no lukim wanpela bikpela developmen i kamap insait long Buang eria. Nogat tru.

Matyu Bendumb i bin sanap long Bulolo Open taim Julius Chan i kisim gavman. Na em i bin givim 10 pesen bilong ol mani i go long Wau eria. Na mipela ol

lain bilong Buang i kisim 5 pesen tasol.

Dispela 5 pesen i no inap long helpim mipela long stretim rot i go kamap long Gabensis. Dispela hap mani inap long mipela i kisim na stretim ol kona na liklik basis long dispela rot. Nau dispela rot i no gutpela tumas. Mi lukim dispela na mi no amamas.

Na mi kisim maus bilong ol pipel long Buang na mi tok olsem gavman i mas helpim mipela wokim dipela rot i go kamap long Gabensis. Na skruim moa yet i go kamap long Lae Siti. Em bai mipela olgeta i lukim dispela na amamas.

Olsem na nau mi laik tok olsem, "Matyu Bendumb, maski kusai nabaut long mipela ol pipel bilong yu. Yu bin tok pinis olsem mipela i no ken opim dispela rot. Nogut ol kain kain

# GUT WAN SEVERINA

Dia Edita - Mipela long Malasang viles long Buka i save amamas tru long wanpela nesmeri em i save wok long Arawa haus sik. Meri i Misis Severina Koros. Em i save helpim mipela gut tru taim em i go long ples long wiken o kisim lip i go i stap long ples.

Sampela ol nes i save kisim pe long hap ya ol wok long en. Na ol i save tok taim ol i go long ples na nabaut long narapela hap ol i no inap long helpim husat i kisim bagarap long wanem gavman i no peim ol long mekim dispela wok.

Tasol Severina nogat. Em i no save bilip olsem. Na husat i sik i stap long ples em i save helpim ol long wanem kain helpim em

ken givim long en. Em i save helpim mama i laik karim pikinini na arapela i kisim birua long rot. Husat i katim ol yet long naip o akis, na bikpela sik tru. Em i save tok save olsem ol i mas i go long haus sik. Em i nogat moa pawa long helpim olsem dispela sik i bikpela.

Em i no save tingting tasol long taim tru bilong wok em i save kisim pe long en. Em i save helpim nating ol pipel olsem em i wanpela kristen meri. O olsem wanpela meri i wok insait long sios.

Wampela wiken em i go i stap long ples na wanpela man i pundaun long diwai. Severina i helpim em na kisim em i go long haus sik long Sohan. Em yet i was i stap long en long ka.

Hia man ya slip wan nait na bihain ol salim em i go long bikpela haus sik long Arawa. Nem bilong man ya Jack Hulala. Em i pundaun long diwai na brukim han bilong en. Mi laik lukim moa manmeri i givim nating taim bilong ol olsem, na maski long pe tasol.

Thomas Therney,  
Malasang Viles,  
Buka.

Tok Save i go long ol man i save salim pas long Wantok Sapos yu no putim nem tru bilong yu long pas mipela i no inap prinim leta bilong yu.

# MASKI TOKTOK TASOL

Dia Edita - Mi wanpela man i bin i stap long Difens Fos bipo long taim ami bilong Australia i lukautim mipela. Tasol nau mi sevis na i stap long ples long Samarai.

Bipo long taim bilong ami bilong Australia mi bin i stap long Taurama olsem wanpela infantri soldia o raifel man. Na mipela save patrol stat long Daru bihainim boda mak i go olsem long Telefomin, Oksapmin na i go olsem long Vanimo inap planti wik long bus.

Mipela save stap long Vanimo na mekim dispela wok inap 3 mun olgeta. Bihain long 3 mun narapela kampani i save kisim ples. Dispela kampani i save kam long 2 PIR long Wewak. Na bikpela taim tru bilong lukautim gut o operesen wok wanpela lain bilong 1 PIR long Taurama tu i save i go long patrol lukautim na sekap long ol hap long boda.

Na nogat kain trabel i save kamap olsem i wok long kamap nau. Long dispela yia tasol 8-pela taim olgeta ol soldia bilong Indonesia i brukim boda mak na kam long sait bilong PNG. Dispela mi no laikim na i no gutpela. Nogat tru. Gavman bilong PNG i wok long toktok tasol long dispela.

I no inap long Minista bilong Foren Afeas i go long Indonesia na toktok long ai na yau bilong ol tru long ol dispela bikpela hevi i kamap nau?

Mipela sindaun long ples tasol na harim na i no gutpela. Dispela kain pasin i pretim mipela tru long sindaun long ples. Ol Indonesia i mekim olsem nau na bihain bikpela trabel tru i kamap na bai mipela olsem wanem.

Mipela bai kros tasol long gavman long mekim wok bilong em kranks. I no inap long kros long ami. Long wanem ol i wokim wok em gavman i tokim ol long mekim tasol. I no inap long winim mak na katim toktok bilong gavman.

Nau em i taim gavman i lukluk long ami na givim moa mani na rekrutim moa man na givim moa trening.

hap long PNG i wok long krai long developmen. Ol lain long boda tu i wok long krai long developmen.

Pangu gavman i no putim kolta stat long Wewak i go olsem long Nuku. Dispela nupela rot i bikpela rot tasol nogat kolta long en. Wankain olsem yu tok kolta bai i stap antap long rot stat long Mt Hagen i go long Laigam. Developmen i no save kamap nating olsem yu slekim masis, ha?

Brata taim bilong kempein yu no laik kam long Hailans, olsem Goroka na brukim laud spika bilong ol Pangu kendidet wantiam ol kain toktok bilong yu olsem. Nogut ol wantok bilong yu bai mumutim yu olsem karakum. As toktok em olsem i no olgeta Hailans i sapatim Nesenel Pati.

Naki Aka,  
Goroka.

Sailas Dipore,  
Samanai, MBP.

# HAILANS I NO NESENEL PATI TASOL

Dia Edita - Mi laik bekim pas bilong Mathew Minape long Arawa NSP. Pas bilong em i kamap long Wantok Niuspepa namba 434. Insait long pas yu tok olsem gavman bilong Pangu i bringim moa developmen long Is Sepik Provins.

Pangu na Melanesien Ailanes kendidet i no ken i go long haus bilong ol Hailans pipel long olgeta hap bilong PNG.

Mi laik askim yu, yu bin i go raun lukluk long olgeta hap long Is Sepik o nogat? Nogut yu harim mauswara stori na yu giaman toktok tasol. Sampela hap bilong Is Sepik i krai aut yet long developmen i kamap long hap bilong ol. Wan kain long planti

pipel i amamas long yu."

Maski long givim 10 pesen bilong mani i go long Wau-Bulolo eria na givim 5 pesen tasol long mipela long Buang. I no ken wan sait tumas. Em bai bagarapim sindaun bilong mipela ol pipel long ilektoret bilong yu.

Sapos yu mekim gut, bai mipela i makim yu long sanap makim mipela long planti taim bihain insait long Palamen.

Gari Siung,  
Rali Viles, Mumeng.



# LUKAUT LONG OL INDONESIA

Dia Edita - Mi wanpela man i save harim wol na nesenel nius olgeta taim long redio. Long wol nius mi harim olsem Ajentina na Englan i pait.

Mi harim olsem planti soldia bilong Ajentina indai na sampela bilong Englan tu. Na planti balus na sip bilong pait i bin bagarap nabaut insait long dispela bikpela pait bilong tupela kantri ya.

Mi harim tupela pait long wanpela lain ailan ol Kolim Faklan Ailan. Na nau Englan i kisim bek Faklan pinis. Dispela kain pasin i wok long kamap long planti hap long wol.

Na yumi hia long PNG tu i no longtaim bai i gat pait. Dispela

bai kamap namel long mipela na Indonesia. Em klostu nau. Na gavman i mekim wanem long dispela? Nogat stret.

Olgeta taim mi harim long redio, ol bikman wok long toktok planti. Tasol nogat wanpela samting tru ol i wokim. Na ol Indonesia i lap long hap sait i stap. Ol i wetim gutpela taim tru, em nau isi ol wokabaut i kam na kalapim mipela olsem wanpela rat stret.

Na ami bilong PNG we? I nogat Difens Fos, nogat stret. Gavman mas statim sevis ol i kolim (PNGDVR) o Nesenel Sevis. Wanem sivilian man i wok nabaut i mas i go long Nesenel Sevis, bihain long em i

go long arapela kain wok long laip bilong en.

PNGDVR i bikpela samting tru. Dispela kantri i nidim tru dispela sevis olsem bilong stan-bai. Sapos pait i kamap i gat kain man olsem i ken i stap long helpim ol Difens raifel man tru.

Dispela em ol toktok helpim mipela ol man nating i givim i go long gavman. Sapos pait tru i kamap mipela olgeta hia long dispela kantri bai indai nabaut. Na bai em asua bilong gavman long katim mani bilong Difens Fos. I mas i gat moa mani long dispela hap na moa man long trening.

Inlis Pondros,  
Ndilou Ailan.  
Manus.

**AFTER SALES REPAIR SERVICE AND HIRE**

**TOLEC ELECTRONICS**

WHEN IT COMES TO SOUND

**SANYO HITACHI JVC**

**FM Radio/Cassettes from only K59.00**

**Stereos from K79.00**

2nd St. Lae P.O. Box 822  
Telex: NE44133 Ph: 42 4343

# I NO PRAIVET KA

Dia Edita - Mi save wok long Stimsip kampani. Tasol taim mi go malolo long ples bilong mi long Kaiapit, mi save lukim wanpela tisa bilong wanpela training skul i save raun nating long ka bilong skul.

I no gat wanpela wok bilong skul, tasol dispela tisa i save yusim bensin bilong skul nating tasol. Em i save raun tasol long painim buai, daka, smok na kambang long ka bilong skul. Dispela kain pasin i no stret long tingting bilong mipela.

Em tu dispela tisa i save draivim ka i go lusim na bihain em i save yusim gen trakta. Em i yusim ol ka na trakta olsem em yet i baim. Em i save lusim ol skul boi stap na em i save raun long ka long laik bilong em. Mi lukim na i no stret. Ol samting bilong skul i mas stap gut tasol.

Dispela skul em i nupela tru na no ken ranim ka na trakta nating.

Jok Buma,  
Stimsip Trading Kampani  
P.O. Box 606,  
Madang.

# BLOCKBUSTER


300g  
~~K1.15~~  
**K1.05**



85g  
~~26t~~  
**22t**



750ml  
~~89t~~  
**79t**



125g  
~~37t~~  
**25t**




500g  
~~98t~~  
**89t**




225g  
~~77t~~  
**65t**



330g  
~~79t~~  
**70t**




340g  
~~77t~~  
**70t**



200g  
~~K1.00~~  
**90t**



680g  
~~87t~~  
**70t**




**Burns Philp  
BLOCKBUSTER  
SUPA SPECIALS**

**WRIGLEY  
FOR EVERY PK PURCHASED  
YOU GET A FREE KK.**

50g  
~~73t~~  
**65t**



100g  
~~K1.97~~  
**K1.60**



70g  
~~64t~~  
**55t**





**CHECK YOUR LOCAL STORE FOR PRICES ON SELECTED EDGELL'S CANNED VEGETABLES.**

# SUPA SPECIALS



**BURNS PHILP SUPPORTS LOCAL INDUSTRY**



## Burns Philp

CONGRATULATES  
**TANUBADA**  
ON THEIR  
SUPERB RANGE  
OF FLAVOURS

2 Litres  
~~K2.47~~


**TANUBADA ICE CREAM**

**K2.20**

**NEW**  
MOUTH  
WATERING  
FLAVOURS  
STRAWBERRY, VANILLA,  
CHOCOLATE, LIME,  
CHOCOLATE CHIP.



AVAILABLE FROM  
OUR BRANCHES AT:



PORT MORESBY .....	22 9500	MADANG .....	82 2488
BOROKO .....	22 9360	MT. HAGEN .....	52 1677
KAINANTU .....	77 1126	POPONDETTA .....	29 7133
KAVIENG .....	94 2133	RABAUL .....	92 2666
KIETA .....	95 6132	SAMARAI .....	62 1255
KOKOPO .....	92 8224	WEWAK .....	86 2322
LAE .....	42 4053	GOROKA .....	72 2797

# Burns Philp



PRICES MAY VARY AWAY FROM MAIN PORTS  
BUT SAVINGS ARE THE SAME EVERYWHERE.

*have got it ... nationwide!*

CS2817

# 'Strong pela'

ANTISEPTIC

## PINE-O-CLEEN

long lukautim famili bilong yu



Long hatpela ples olsem bilong yumi, sik na sua i save kamap plant. Yu ken lukautim sik, sua na gutpala helt long famili bilong yu, taim yu yusim Pine-O-Cleen.

Putim marasin ya i go long hat wara na yusim long wasim toilet, banis bilong haus, na plua. Na pamim marasin ya i go insait long ol paip bilong karim wara i go aut long haus long olgeta wik.


Lukautim skin bilong yu tu. Wasim ol sua bilong yu long Pine-O-Cleen. Miksim marasin long wara na wasim sua inap taim sua i drai olgeta.

**Pine-O-Cleen i stap long olgeta tret stua na long Supamakem yu laikim.**

"Another quality product from Reckitt & Colman"

# Papamama I No Laik

## LAIP



## LAIN

DIA LAIPLAIN,

*MI gat wanpela boipren bilong narapela ples. Na laik bilong mitupela i strong tru long marit.*


*Papamama bilong mi i tok orait long mitupela i marit. Tasol papamama bilong em i no laik. Ol i laik em i mas maritim wanpela meri long ples bilong em yet.*

*Bai mi mekim wanem? Mitupela i pren inap 5-pela yia nau na mi laikim em tru.*

DIA PREN,

Mipela i save olsem yu wari nogut tru long dispela samting.

Yu askim boipren bilong yu tu long watpo papa bilong em i kros, o nogat. Ating ol i makim pinis wanpela meri long ples na ol i no laik em i maritim yu. Na tu, ating ol i no save gut long yu olsem na ol



i tingting planti long pikinini bilong ol i maritim yu.

Na pe bilong baim meri i wankain long pe bilong yutupela o lain bilong yu i sasim moa mani long baim meri? Ating papamama bilong boipren bilong yu i tingting long ol dispela samting ol i no laik pikinini bilong ol i maritim yu.

Yutupela i toktok wantaim na yu askim em long tok save gut long papamama bilong em. Na papamama bilong yu tu inap long

go toktok wantaim ol lain bilong em o nogat? Sapos ol i stap longwe orait, askim papamama bilong yu long salim pas long ol na tok save long ol. Na yu ken askim wanpela pris o pastor long toktok tu wantaim lain bilong man.

I gat wanpela gutpela buk Walter Trobisch i raitim ol i koli n, "I Loved a Girl."

Dispela stori i bilong wanpela yangpela man na meri husat i gat wankain wari olsem yutupela. Yu ken baim

dispela buk long Christian Literature Crusade Buksop long Boroko. Adres bilong ol em hia, P.O. Box 1136, Boroko, NCD.

Mipela i save yu laik marit nau. Tasol mobeta yu wet na stretim tok wantaim papamama bilong man pastaim.

MI LAIPLAIN.

Sapos yu gat wari o askim salim i kam long Laiplain Box 6047, Boroko.

## Sospen Bilong Kovokouvul

NAU olgeta turist na pipel bilong PNG yet inap lukim mak bilong Kovokouvul lain wanpisin long museum (haus tambaran) long Mosbi.

Dispela mak em wanpela sospen ol i bin wokim long Petats Ailan long Not Solomon Provins. I gat planti sospen i stap long museum. Tasol dispela i narakain liklik.

Em i gat 100 krismas bilong en. Stat long taim ol i wokim long 100 yia i go pinis i no gat mak bilong bruk nabaut i stap long en. Man i givim dispela sospen i go long museum em Johnbili Tokome.

Johnbili i bilong dispela Kovokouvul wanpisin na em i givim long museum long 8, Julai. John i tok, "Mi laik bai i stap long museum bai ol i ken lukautim gut. Na mi no laik bai mak bilong wanpisin i lus nating. Sapos i stap olsem bai ol tumbuna bilong dispela wanpisin i ken lukim long planti yia bihain."

"Nau ol meri long



dispela hap i no moa wokim kain sospen olsem long graun. Bipo ol akiologis (man bilong lukautim ol samting bilong bipo

aninit long graun) bilong Australia i kam wok na i painim sospen olsem aninit long graun tu. Tasol ol dispela sospen ol i

wokim long 1,200 yia i go pinis na i stap aninit tru long graun." Johnbili i bilong Malasang long Not Solomons.



*Ol yangpela meri bilong Uvuol Vokesenel Senta i lain long samapim olkain klos.*

**POPO SKON**

**Ol samting yu mas gat:**

2-pela kap plaua (i gat bekpaura long en).

Hap tispun sol.

1-pela tebolspun bata.

¼ kap suga.

1-pela tispun skin bilong muli. (skrapim pastaim).

1-pela kap mau popo (memeim gut).

**Pasin bilong kukim.**

1. Siftim plaua na sol.

2. Rabim bata wantaim plaua.

3. Tanim skin bilong muli i go insait wantaim popo.

4. Kapsaitim popo i go insait wantaim plaua na tanim gut.

5. Kapsaitim plaua i kamaut long tebol. Na rolim gut.

6. Katim liklik na putim long plet bilong aven (Rabim gris pastaim long dispela plet).


7. Putim ol skon long aven i hat tru. Na larim ol skon i stap inap 12 o 15 minit na bihain yu ken rausim.

**Kuka I Pulap**



*Kain kuka ya i save mekim planti pipel i daunim spet. Meri ya i salim kuka i stap long Gordon maket long Mosbi.*

**Have a break,  
have a**



A quality product  
fresh from  
Rowntree Hoadley  
(Australia) Ltd.

AP936

**SINGER**



**PREN BILONG YU  
INAP OLTAIM**

**FIRST GRADE QUALITY USED CLOTHING  
COME AND BUY.**

**HURRY! HURRY! HURRY!**

**WHILE THEY ARE IN STOCK.**

A. Grade. Bales. 72.7Kg — K120  
B. Grade. Bales. 45.4Kg — K100.

For further informations, write or call

**PORT MORESBY CLOTHING Pty. Ltd.  
P.O. BOX 6647,  
BOROKO. PHONE: 25 2581.**

OR

**GOROKA KLOS STUA. Pty Ltd.  
P.O. BOX 916,  
GOROKA. PHONE: 72 1063.**

### TOK I GO PAS

**Buk bilong JUDIT i stori long ol lain Juda klostu i laik lus olgeta na klostu i laik painim bikpela bagarap long han bilong ol lain birua.**

**Tasol wanpela gutpela meri i stap, nem bilong Judit, em i save strong moa long bihainim olgeta lo bilong God. Na em i bilip strong, God inap sambai long pipel bilong em, na kisim ol bek long han bilong ol birua. Orait, na Judit yet i pre long God, bai God i strongim em long winim birua.**

33 Long dispela nait, yupela yet i mas sanap long bikdua bilong taun na mi wantaim wokmeri bilong mi, mitupela bai go ausait. Long strong bilong God bai mi pinisim dispela hevi bilong Isrel pastaim long de yu bin makim long givim taun i go long han bilong ol birua. 34 Yupela i no ken askim mi bai mi mekim wanem samting. Mi no inap tokim yupela inap mi mekim pinis." 35 Asaia na ol lida i tokim Judit olsem, "Yu go, na God i ken lukautim yu. Na Bikpela i ken stap wantaim yu bai yu bekim long ol birua bilong yumi." 36 Olsem ol i lusim rum antap na ol i go bek long wok bilong ol.

### Prea bilong Judit

**9** 1 Nau Judit i slip stret long graun. Em i putim sit bilong paia long het bilong em, na em i rausim klos karamap, na klos bilong sori. Long dispela taim ol i save ofaim smok smel long Tempel bilong God long Jerusalem, Judit i singaut strong long God na i pre olsem, 2 "Bikpela, yu God bilong tumbuna bilong mi, Simon, Yu givim bainat long long em long bekim ol ausaitman bilong Sekem. Oli bin rausim klos bilong yangpela susa bilong em, Daina, na ol i laik mekim pasin nogut long em. Oli rausim olgeta klos bilong em, na ol i mekim sempasin long em, na ol i bagarapim em stret. Maski yu bin tambuim dispela samting, ol i mekim olsem tasol. 3 Olsem na yu bin kilim indai ol lida bilong ol, long dispela bet yet we ol i bin mekim nogut meri. Yu pinisim ol wokman wantaim ol lida bilong ol, na ol bosman wantaim ol wokboi nating bilong ol. 4 Yu larim ol brata bilong Daina i karim ol meri bilong ol i go. Oli pikinini meri bilong ol, ol i go kalabus. Na olgeta samting bilong ol, ol i tilim i go long ol

gutpela pikinini bilong yu stret. Oli dispela pikinini i wari long bihainim ol lo bilong yu. Oli belhat tru long dispela sem i kamap long famili bilong ol, na ol i singautim yu long helpim ol. God bilong mi, maski mi meri nating na man bilong mi indai pinis yu harim pre bilong mi nau. 5 Yu bin mekim kamap olgeta samting i kamap nau, na olgeta samting bai kamap nau, na olgeta samting bai kamap bihain. Olgeta samting i stap nau, na olgeta samting i laik kamap bihain, yu tingim pinis. Na olgeta samting yu bin tingim bipo, olgeta i kamap pinis. 6 Wanem samting yu tingting long wokim wantu tasol i kamap pinis. Yu save pinis bipo taim long olgeta samting yu laik mekim. 7 Yu save skelim na tingim gut olgeta samting. God, yu lukim ol Asiria, oli gat draipela lain soldia moa. Oli hambak moa yet long ol soldia i wokabout long lek, na ol soldia i ran long hos. Oli bilip long strong bilong plang na spia, na banara na sling bilong ol. Tasol ol i no save long yu. Yu tasol yu Bikpela na yu inap pinisim ol pait na woa. 8 Brukim strong bilong ol long pawa bilong yu. Long belhat bilong yu, pinisim strong bilong ol. Long wanem, oli laik mekim doti ol ples bilong yu, na bagarapim tru haus bilong yu. Na oli laik katim daun ol kona bilong alta bilong yu. 9 Lukim hambak bilong ol. Larim kros bilong yu i bagarapim ol. Yu givim strong long mi meri nating, bai mi inap mekim wanem samting mi tingim. 10 Helpim mi bai oli trik tok bilong mi i ken kilim indai ol wokboi wantaim ol bos bilong ol. Pinisim hambak bilong ol long han bilong wanpela meri. 11 Strong bilong yu i no save stap long planti man na long strong bilong ol. Nogat. Yu God bilong ol man i daunim ol yet na yu save helpim ol man i

rabis. Yu save lukaut long ol man i no gat strong, na yu save sambai long ol man i no gat hop moa.

12 God bilong tumbuna bilong mi, Simon, yu harim mi nau. Yu papa tru bilong olgeta samting bilong Isrel. Yu bosman bilong heven na graun. Yu papa bilong mekim kamap ol wara. Yu king bilong olgeta samting yu wokim pinis.

13 Mekim ol trik tok bilong mi i ken bagarapim na kilim ol birua. Long wanem, oli sutim kain kain tingting nogut i go long ol pipel i bin kontrak wantaim yu, na i go long Tempel bilong yu i stap long maunten Saion na i go long asples bilong ol pikinini bilong yu.

14 Mekim bai olgeta pipel bilong yu na olgeta arapela lain i ken save, Yu wanpela tasol i God. Yu God bilong olgeta pawa na olgeta strong. Yu wanpela tasol yu save lukautim ol pipel bilong Isrel."

### Judit i lusim Brtulia

**10** 1 Taim Judit i pinisim pre bilong em long God bilong Isrel, 2 em i kirap long ples em i bin slip stret long en, na em i singautim wokmeri bilong em. Nau em igo daun long ol rum em i save stap long en long ol Sabat na ol bikpela de bilong lotu. 3 Em i rausim ol klos sori em i bin putim bipo, na em i lusim ol klos em i bin putim taim man bilong em indai. Em i waswas na i welim bodi bilong em long sanda. Em i komim gras bilong em, na i pasim naispela laplap long het, na em i putim ol gutpela klos em i save putim bipo, taim man bilong em Manasa i stap yet. 4 Em i putim su long lek bilong em na em i pasim ol paspas long lek na han, ol ring long pinga na yau, na nais tru long grisim ai bilong husat man i lukim em. 5 Em i givim wanpela botol wain na wanpela botol wel long wokmeri bilong karim. Na em i pulapim wanpela bek long bali i tan pinis, na long sampela gutpela bret, na long sampela kek em i wokim pinis long ol pikinini diwai i drai. Em i karamapim gut ol dispela kaikai wantaim plet, na em i givim long wokmeri tu.

**I go  
moa long  
neks wik.**

## Ol Meri Mas I Gat Maus



*Ol Katolik meri lain i stap bihain long namba wan miting bilong kirapim Katolik Wimen Federesen.*

**OL Katolik meri long PNG i gat wanpela Federesen bilong ol nau. Moa long 13 meri i makim ol daiosis insait long kantri i bin bung long Lae long 11-16 Julai long kirapim dispela Federesen.** Wanpela bilong ol dispela meri em Magdalene Karolo wanpela welpa opisa bilong Katolik Sios long Mosbi. Magdeline i

tok, "Mipela i kirapim dispela federesen long wanem, mipela i laik ol meri i mas i gat maus insait long sios. "Na bai mipela i wok insait long sios. Nau i gat moa man insait long sios bilong mipela. Na ol meri i no gat tru maus long taim bilong pasim ol bikpela toktok insait long sios." Bernard Narakobi i stap tu long dispela kibung bilong ol. Long

wanem ol i askim em long helpim ol long raitim ol aslo bilong dispela federesen. Na bai oli paitim toktok long dispela samting long narapela kibung bilong ol long Rabaul long 1984. Oli meri i tok oli gat wari long bikpela banis i stap namel long ol savemeri na oli meri i stap long ol viles. Na oli laik bai i gat moa kos oli kain program olsem

bilong skulim ol meri long oli kain samting. Misis Imakulata Kereku i tok sampela taim oli bisop i save salim toktok long tok Inglis tasol. Na dispela i no stret. Oli i mas tanim long tok ples we oli pipel i ken harim na kliia long oli. Oli i tok tu olsem mobeta oli bisop na misinari i tingting long wok wantaim oli pipel. Na maski long tingting long wok bisnis.

## Sande lotu

Frank Mihalic

SANDE NAMBA 18 BILONG YIA (Jon 6: 24 - 35) 1 Ogas 1982

Bihain Jisas i wokim bikpela mirakel na i givim kaikai long 5,000 pipel, oli bihainim em, bihainim em i go. Tasol Jisas i tok stret long oli olsem: "Yupela i kaikai dispela bret na bel bilong yupela i pulap. Bilong dispela yupela i wok long painim mi. Yupela i no ken wok long kisim kain kaikai i save bagarap. Nogat. Yupela i mas wok long kisim kaikai i save stap oltaim." Orait, nau Jisas i stat long skulim oli. Em i tok kliia olsem, em yet i kaikai bilong oli. Em i givim bodi na blut bilong em long oli....Jisas i laik tokim oli: maski long kaikai bilong bodi na bilong ausait. Kaikai bilong spirit na insait, em i samting tru. Tasol, sori dispela tok bilong bodi na blut bilong em....dispela tok long em yet i bret bilong laip na i kaikai bilong oli....dispela tok i antap tumas. Oli i no laik bilipim. Na planti i go olgeta na i lusim em. Oltaim Jisas i strong long dispela tok: yumi no ken lukim ausait bilong samting na skelim. Insait bilong samting i win long ausait bilong em. Sampela bilong insait em i samting tru. Sapos yu gat wanpela ka o trak, wanem samting i mekim dispela ka i ran? Ating em i draiva i holim stia, em i mekim ka i ran? Ating oli wil i mekim ka i ran, long wanem, oli i tantanim na ka i go.... Nogat tru. Ensin tasol em i mekim ka i ran. Olsem na yu ken lukim, i no oli samting bilong ausait bilong ka i mekim em i ran. Nogat. Samting i hait insait, em i mekim ka i ran. Em ensin tasol. Orait, yu glasim oli Kristen Sios nau, na yumi traim painim wanem samting i laip tru bilong oli dispela sios. Ating em i naispela haus lotu bilong sios? Ating em i naispela ples pilai na komyuniti senta bilong en? Ating oli gutpela sosal wok bilong oli memba, em i laip bilong dispela sios? Ating dispela sios i gat laip bikos olgeta memba i save kam lotu olgeta wik na i save sapotim gut dispela sios? Ating

oli memba i ritim Baibel olgeta de....na dispela em i laip bilong sios ya? Ating pris oli pasto bilong dispela peris em i man bilong toktok wantaim pawa....na dispela i laip bilong sios ya? Ating pris oli pasto bilong dispela peris em i man bilong toktok wantaim pawa.... na dispela i laip bilong sios ya? Ating pasin bilong lotu yet.... wantaim planti singsing na oli i apim han na oli i paitim gita na musik na oli i amamas. Ating oli dispela i laip bilong dispela peris oli sios oli kongresen? Sori. Oli dispela samting i no laip tru bilong wanpela sios. Oli dispela i samting bilong ausait tasol bilong em.. Senta na as na laip tru bilong sios em i Jisas yet. Em i wankain olsem ensin bilong ka.... Na Jisas i no olsem ensin tasol. Nogat. Em i olsem bensi tu. Em yet i bin tok olsem: "Mi kaikai bilong yupela. Yupela mas kisim mi na kaikai - kaikai bodi bilong mi na dringim blut bilong mi. Dispela i laip tru bilong yu." Tasol sori tumas, planti Kristen Sios i no mekim olsem. Oli i no bihainim dispela tok bilong Jisas. Oli i strong long tok oli i bilipim olgeta tok bilong Baibel, tasol dispela hap oli i no bilipim. Oli sampela i eksyus na i tok olsem: "Long dispela hap ples Jisas i tok piksa tasol. Em i no tok tru long bodi tru na blut tru bilong em." Sori. Oli sampela manmeri long taim bilong Jisas yet, oli tu laik ting olsem. Tasol Jisas i tromoim dispela tok bilong oli. Na bikos Jisas i strong long em i NO TOK PISKA, tasol i tok tru.... planti i lusim em. Sori tumas, long planti Kristen Sios oli i no gat planti toktok long bodi na blut bilong Jisas. Olsem wanem na oli inap ritim oli strongpela tok bilong Jisas i stap long sapta 6 bilong Sen Jon na oli i tromoim em? Oli i save toktok planti long Jisas i poroman bilong oli, long Jisas i ridima bilong oli wan wan stret. Watpo oli i no laik kisim em i kam insait long oli tru olsem kaikai bilong oli? Ating?



# Haus Aninit Long Lek Ivea

**BIPO** tru wanpela yangpela man i stap long wanpela ples ol i kolim Sirunki klostu long Laiagam insait long Enga Provins. Dispela ples i stap arere long wanpela raunwara ol i kolim Lek Ivea. Dispela raunwara i stap yet tude.

Long bipo i no gat manmeri i stap long dispela ples. Dispela wanpela yangpela man tasol long bikbus. Orait, wanpela taim em i laik wokim gaden na em i wok long katim daun ol bikpela diwai.

Em i katim daun olgeta diwai pinis. Orait, em i wet i stap inap tupela mun olgeta. Na olgeta diwai i drai pinis. Na long wanpela de i gat bikpela san, man ya i kukim ol diwai nau.

Paia i lait gut tru na olgeta diwai i paia pinis. I no gat wanpela diwai i stap yet. Em nau man ya i redi long wokim gaden bilong em.

Wanpela de em i wok long brukim ol graun. Em i wokim i go pinis na em i go slip na malolo long nait. Na long narapela moning em i kirap na i laik go planim ol kaukau na ol arapela kaikai long nupela gaden bilong em.

Taim em i kamap long gaden. Man!!! Olgeta samting i redi pinis. Olgeta kain kaikai olsem kaukau na arapela ol samting bilong gaden i stap pinis. Na ol dispela kaikai i kamap gut tru.

Yangpela man ya i kirap nogut na i wok long tingting planti na em i tok, "Husat man tru i kam long biknait na wokim gaden bilong mi? I no gat ol manmeri i stap long dispela hap. Em ol abus bilong bus tasol i stap. Ating ol dispela enimal i kam helpim mi long stretim gaden bilong mi."



Em i tingting planti na i wok long brukim ol graun gen. Em i brukim ol graun pinis, orait, em i go slip. Long neks moning em i kirap i go gen long gaden bilong em. Man!!! Em i lukim olsem olgeta samting i redi gut tru i stap.

Ating sampela man i planim olgeta samting long nait na i go pinis. Man ya i tingting planti nau. Husat man tru i mekim dispela samting? Bai mi traim was long nait na painimaut long dispela samting.

Man ya i tingting olsem pinis na em i wok long brukim graun i stap. Em i brukim pinis na em i wokabaut hariap i go long haus. Na bihain long 6 klok samting long apinun em i kam bek long gaden bilong em.

Em i kam hait klostu

long han em i bin brukim ol graun long en. Em i wet i go inap samting olsem 10 klok long biknait. Orait nau em i harim sampela toktok i kam long bus. Em i hait gut tru na lukluk i stap. Man! Em i harim planti toktok na lap i kam na em i sindaun isi tasol.

Nau ol toktok na lap i kamap klia tru long gaden bilong em. Oloman!!! Ol meri i no pilai pilai. Moa long 100 naispela naispela meri i bilas gut tru na i kamap. Olgeta i kraim planti kain kain kaikai i kam long planim long gaden.

Man ya i wok long sindaun na lukluk long ol i stap. Em lukluk i go i go na em i makim wanpela naispela meri tru i wok long planim kaikai i kam klostu long em. Meri ya i planim kaukau i kam kamap klostu long em nau.

Man i kalap i go na holimpasim dispela meri. Ol narapela i lukim man ya na i ranawe i go pinis. Tarangu narapela i laik ranawe tu tasol man ya i holim em strong tru. Meri i traim tekewe han bilong man ya tasol i no inap tru.

Man i holimpasim meri yet. Nau meri i kirap tanim olsem ston. Tarangu i wok long holimpasim ston. Na bihain ston i kamap wanpela diwai. Na man ya holimpasim diwai. Bihain gen dispela diwai i tanim na kamap olsem pekpek bilong dok tasol man ya i

holimpasim pekpek.

Tarangu man ya i klostu kus pundaun na em i tok, "Mi lukim pinis naispela meri na mi holim em na watpo mi wok long holim pekpek bilong dok? Orait, meri i kirap nau na i tokim em olsem inap nau."

Meri i tok, "Skin bilong mi i les pinis. Yu lusim mi na bai yumitupela i go long haus bilong yu." Orait, man ya i lusim han bilong em. Em nau tupela i wokabaut i go long haus.

Tupela i go i stap wantaim inap sampela taim na meri i tokim man ya, "Olgeta taim bihain yu no ken-paitim mi o krosim mi. Na yu no ken kolim mi pikinini bilong dok o pato. "Sapos yu gat kros long mi, yu mas paitim mi tasol. No ken kolim kain kain nem nabaut."

Orait, tupela i stap wantaim i go i go na ol i gat wanpela pikinini man. Na long wanpela de tupela i go long gaden bilong ol. Na ol i karim planti gutpela kumu i kam long haus. Tupela i kamap long haus na man i brukim ol paiawut na mekim paia.

Paia i lait strong na man ya i hatim ol ston bilong mumuim ol kumu. Em i hatim ol ston i stap na em i tokim meri olsem, "Yu go na kisim sampela lip bilong tanget i kam. Bai yumi mumuim ol kumu wantaim."

Orait, meri i go long bus na painim lip tanget.



Na man ya i stap long haus na was long pikinini na ol ston. Meri ya i wok long kisim ol lip bilong tanget i stap. Nau na wanpela pisin ol i kolim 'yai' i wok long singsing antap long han bilong wanpela diwai.

Dispela meri i wok long harim singsing bilong dispela pisin yai i go inap samting olsem 2 aua olgeta. Pisin ya i kirap na singsing olsem, "Lip yai-i, Mi lip yai, Mi singsing nau, tumora hap tumora na olgeta taim bai mi singsing. Nogut yu katim stik na pilim pen. Yu go long haus."

Meri ya i kirap nogut long harim dispela kain singsing. Nau em i karim lip tanget na hariap tasol i go long haus. Tasol longtaim yet pikinini i wok long krai. Na man bilong em i belhat nogut tru. Em i belhat wantaim na sindaun i stap.

Taim meri i kamap long haus, man i kirap na krosim em nau. Man i tok, "Yu pikinini meri bilong dok. Yu go mekim wanem samting tru i stap na pikinini i wok long krai longpela taim i stap? Man ya i kirap na givim hatwan long tarangu meri bilong em."

Orait, meri i pilim pen na em belhat nogut tru. Na em i tingting." Bipo mi tokim em long i no ken kolim mi pikinini bilong dok. Na watpo dispela man i kirap na kolim mi pikinini bilong dok na paitim mi olsem?

Meri i belhat tru na em i sindaun isi tasol i stap. Taim man bilong em i rausim ol kumu na givim meri, em i no kaikai. Em kros yet i stap. Orait. Man i kaikai pinis na em i go slip long haus.

Meri i sindaun i stap na i wok long joinim wanpela longpela rop. Dispela rop

em i olsem 100 yat samting. Taim man i slip indai pinis, meri i pulmapim liklik pikinini long bilum.

Nau em i kisim dispela rop na pasim hap bilong en i go long lek bilong man. Em i pasim strong pinis na laitim bombom. Em i bin redim dispela bombom bipo yet na larim i stap. Em i kirap nau na karim pikinini wantaim i go ausait long haus.

Em i wokabaut i go na sanap arere long raunwara Ivea. Em i pulim hap bilong rop na wokabaut wantaim i go.

Bihain i pulim dispela rop. Man bilong em i kirap nogut na holim hap bilong rop. Em i holim rop na i go ausait. Em i lukluk i go na lukim meri bilong em i karim pikinini na sanap arere long raunwara i stap. Bombom tu i wok long strong i stap.

Man i lukim nau na em i ran i go. Em i ran i go kamap klostu long meri. Tasol nogat. Meri i kalap wantaim pikinini i go daun long wara. Oloman! Man ya i kalap i go daun long wara tu tasol em i kam antap gen.

Bikpela si bilong raunwara i karim i go sua long arere. Em i kalap i go daun gen tasol wara i karim em i kam bek long arere. Em i sanap tasol na lukluk. Em i lukluk i go na i lukim meri wantaim pikinini bilong em i go insait long wanpela haus aninit long wara.

Man ya i traim gen long kalap i go daun long wara. Tasol nogat. Wara i karim em i kam tromoi nating long arere. Man i les nau na em i go bek long haus bilong em na slip i stap.

Em i no slip gut long nait. Em i wok long tingting tumas long meri bilong em wantaim pikinini.

Long bikmoning tru em i kirap na karim ol stik, diwai na tamiok bilong em i go daun long dispela raunwara. Em i go sanap klostu long raunwara na digim wanpela bikpela baret. Em tingting long rausim olgeta wara na kisim bek meri wantaim pikinini bilong em.

Em i wok long digim baret i go daun tru. Nau em i katim i go arere tru long dispela raunwara. Ples i tudak nau na em i lusim na i go long haus na slip.

Long neks moning em i kirap gen na i go long raunwara long digim baret. Em i lukluk i go na i lukim wanpela bikpela ston i banisim ples bilong mekim baret. Em i tok, "Dispela bikpela waitpela ston i kam we tru? Ating wanpela man i mas karim long nait i kam putim."

Na tu, tupela bikpela hap diwai i sanap long tuepla sait bilong baret. Man ya i no gat we long digim baret i go yet. Olsem na em bai i no inap lukim meri wantaim pikinini bilong em nau. Em i sanap lukluk i go i go na em i pinis nating."

Long dispela tiam nau mipela i ken lukim dispela bikpela baret, ston na tuepla diwai i sanap yet. Ol tumbuna bilong mipela tu i tokim mipela olsem i gat man na meri i stap insait long dipela raunwara Ivea. Na mipela i bilip olsem dispela samting i tru.

**Martin Kupea,**  
P.O. Box 498,  
Konedobu.

Notis: Taim yupela salim Tumbuna Stori yu mas salim P.O. Box namba bilong yu bai mipela i ken salim stret K4 i kam long yu.

## pasel pes pasel p

Insait long dispela pasel i gat 15 toktok i hait i stap. Yu inap painim o nogat? **KALENDA - KALSA - MEKPAS - META - POLAIN - PLASTIK - ASLO - BASIS - ALAWENS - BAFALO - ATUJ - ENIMAL - HEPI - HON - ETPOS**

A M A M A S T O E N I M A L S  
S O K I T S A L P I B E S A N  
L P M A A O M E O T A T L O E  
A J U S T L O W L A F E H P W  
P S L O P B A F A L O A E O A  
O A A B K M B A I E L J T T L  
K N S D O O A P N T O U A E A  
I H A O N L S O A P O T L R M  
A O N L E E I L M L M A B A S  
S M I P S E L A S S E H O M I  
A N S O A T B A S I S O P T A  
P E P A S I A M K O T M S N O  
K T B S P M B I B E A A E P N  
E M O E E O A T I L L O T I A  
M A H L O M I S T P A E M E M

### YU INAP PAINIM TOK I HAIT?

STMEJIREI

□ □ ○ □ □ □ □ □

KAMET

□ ○ □ □ □ □

IJON

□ □ □ □ ○

WALE

□ □ □ □ ○

ONLES

□ ○ □ □ □ ○

Englan i bin pait wantaim dispela kantri long Faklan Ailan. Yu painim ol tok i hait na bai yu painim nem bilong kantri ya.

Nem bilong kantri:

○ ○ ○ ○ ○ ○ ○ ○

**ANSA: BILONG LAS WIK - ASPRIN, WASWAS, PAIAWUT, SUMATIN - ARAWA.**

# Yia Bilong Daunim Tupela Lo Sistem Long Saut Afrika



*Ol pikinini long haus bebi long Orlando Is, Saut Afrika. Mama i karim ol nating na tromoim. Tarangu nogut papamama. Ol lo bilong wok i mekim hat tru long papa i painim sindaun wantaim meri pikinini bilong em olsem na haus bebi i gat planti pikinini.*

## YUNAITET Nesen i makim 1982 olsem yia bilong daunim 2-pela lo sistem long Saut Afrika.

Ol i kibung 2-pela wik tasol na ol kantri i pasim toktok long dispela samting. Long wanem ol i pilim olsem nau em i taim bilong bung wantaim na givim wanpela bikpela mekim save i go long Saut Afrika long dispela kain lo bilong en.

Yunaitet Nesen i askim ol gavman, na grup na ogenaesen insait long wol long bung wantaim long dispela yia long mekim dispela samting.

Ol pipel husat i save

long wanem ol samting i kamap insait long Saut Afrika i luksave olsem nau em i taim bilong olgeta arapela kantri long wol long bung wantaim na soim Saut Afrik olsem ol i no laikim dispela 2-pela lo sisten bilong en.

Ol kantri olsem Angola, Zimbabue, Mozambique, Lesotho i wok long pilim dispela kain 2-pela lo sistem bilong Saut Afrika. Long wanem ol i stap klostu long en.

Hia em ol samting Yunaitet Nesen i askim ol kantri long mekim:

1. No ken salim ol samting bilong pait i go long Saut Afrika.



*Ol pipel i straik long ol i mas karim pas na wokabaut. Long protes mas long Sharpsville long 1960, 60 pipel i dai na 160 i kisim bagarap taim plis i sutim ol taim ol i wok long brukim dispela straik. Poto i soim ol wantok i traim helpim poro bilong ol taim em i kisim bagarap.*



*Man ya i kukim pas bilong em. Long Saut Afrika sapos asples i no karim pas em i ken go kalabus. Boi ya i bikhet long gavman na kukim.*

2. No ken salim wel i go long Saut Afrika. Klostu olgeta kantri we i gat wel long ol, i tok bai ol i no inap long salim moa wel i go long Saut Afrika.

3. Stapim ol ami opisa long go kisim moa skul long Saut Afrika.

4. No ken salim o baim ol samting i kam long Saut Afrika.

5. No ken givim dinau mani go long Saut Afrika.

6. Stapim ol turis long go raun long dispela kantri.

7. Stapim ol pipel long lusim ples bilong ol na go sindaun long Saut Afrika.

Yunaitet Nesen i wok long tok save nau long olgeta kantri long wol long wanem ol pasin nogut i wok long kamap insait long Saut

Afrika. Long wanem ol i laik kirapim tingting bilong ol gavman bilong wol long wok wantaim long daunim dispela 2-pela lo sistem bilong kantri.

Dispela 2-pela lo sistem bilong Saut Afrika ol i kolim Apataid em i save bagarapim sindaun bilong man. Long wanem i gat 2-pela lo, wanpela bilong ol waitman na arapela i bilong ol blakskin pipel, ol asples.

Olgeta samting insait long kantri ol i brukim i go long tupela hap. Wanpela bilong ol waitman na arapela i bilong ol blakskin. Nai tambu tru long ol blakskin o waitman i brukim dispela lo. I tambu tru long ol waitskin i maritim ol blakskin.



*Tripela manki ya i lap amamas i stap. Bihain long 10-yia taim ol i bikpela yu no inap lukim ol i lap moa. Long wanem apartait sistem bilong gavman i daunim ol. Yunaitet Nesen i laik bai pikinini bilong ol i gat rait gen insait long kantri bilong ol Saut Afrika.*



*Dring em i wanpela bikpela trabel long Saut Afrika. Man ya i spak nogut tru na penim bodi bilong em. Meri bilong em i kam na i laik kirapim em na bringim em i go bek long haus.*

# Wik Bilong Ol Aborijini



Lohia Raka wanpela studen bilong Yuni i holim wanpela mambu bilong ol aborijini. Mambu ya i krai arakain tru. Sapos yu harim bai yu kalap nogut.

Namba tu wik bilong mun Julai i Aborijinal Wik long Australia. Yunivesiti Ekstensen Stadi. PNG Times wantaim Yunivesiti Film Komiti i bin kamapim planti kain pilai long makim dispela wik. Em i stat long Sande Julai 11 na bai pinis long Sande Julai 25, 1982.

Long PNG Yunive-

siti Laiberi ol i soim planti piksa bilong ol Aborijinal manmeri long Australia. Australia Hai Komisn long Mosbi i helpim ol na givim sampela piksa na ol kain kain samting. I gat sampela piksa bilong ol Aborijinal manmeri i paitim toktok kros insait long Australia long bikpela hap graun bilong ol.

Siaman bilong Not Kwinslan Kaunsil bilong Lukautim Graun, Mista Mick

Miller bai kamapim sampela toktok long Yunivesiti stat long Julai 18 i go inap long Julai 25.


Long Australia yet Mista Miller i wanpela strongpela mausman i go pas long ol toktok bilong graun. Em yet i save makim olgeta Aborijinal manmeri long toktok. Em i mekim dispela kain wok inap long 20 yia olgeta. Em i bin kamap skul tisa long Kens long 1977. Nabihain ol i makim em olsem

Siaman bilong Not Kwinslan Kaunsil bilong Luakutim Graun.

Em i raun long Yurop, Japan na Filipin Ailan na mekim toktok bilong graun na long stapim ol kain bom bilong bagarapim Pasifik.

Fonde Julai 22, long hap pas 7, Mick Miller bai kamapim sampela toktok.

Em bai toktok long ol pait na tok kros ol Aborijinal manmeri i



Peter Deme (lep) wanpela studen long Yuni i sanap toktok wantaim Clive Moore. Tupela i lukluk long ol piksa so Yuni i wokim long makim dispela wik bilong ol aborijini.

wok long mekim. Em tok kros bilong graun. Na em bai kamapim sampela toktok bilong stapim Komonwelt

Gem long Septemba dispela yia.

Long dispela tupela wik olgeta bai ol i soim planti piksa bilong ol

Aborijinal manmeri long Australia. Toksave bilong ol piksa bai kamap yet long niuspepa.




Long Fraide 9, Julai ol aborijini i mas long Sidni. Ol i mas i go long Taun Hol long tokim gavman i no ken bagarapim graun bilong ol. Oltaim, oltaim ol aborijini i pait wantaim gavman long graun tasol. Poto - Magaret Olah/Rapport.



"Mum Shirli" i sanap tromoim toktok i go long ol pipel taim ol i bung long Taun Hol. Notis i hangamap long nek bilong em i tok "No ken bagarapim graun bilong mipela." Poto - Magaret Olah/Rapport.




**AFGANISTAN** - Mujahideen bilong Afganistan i holimpasim dispela 76mm howitzer gan bilong ol Rasia. Ol i putim piksa bilong lida bilong ol gulbadin, na plak bilong ol antap long en. Joseph Murphy bilong Rapport i kisim dispela foto.



**LONDON JULAI 3** - Martina Navratilova i winim dispela plet long pilai tenis. Em i winim Chris Evert Lloyd 6-1, 3-6, 6-2, long pilai bilong ol meri long Wimbledon, Englan.



**SWITSLEN 30 JUN** - Victor Karpov bilong Rasia i lap long taim ol i kibung wantaim ol lain bilong Amerika. Ol i kibung long painim we bilong tupela kantri wantaim i mas stap long mekim moa samting bilong patit.



**AMERIKA 3 JULAI** - Lek bilong ekta, Paul Newman i bin bruk tasol em i no wari, em i go insait long ka resis. Ka bilong em i bin kamap namba wan insait long dispela resis.



**YUNAITET NESEN** - Long mun Jun, Praim Minista bilong Englan, i bin toktok insait long kibung bilong Yunaitet Nesen. Long dispela taim, ol tokman bilong Ajentina i no bin stap insait long harim toktok bilong Misis Thatcher.



**INVESTMENT CORPORATION FUND**  
 sapos yu laikim fri buk, rait tasol i go long:  
 P. O. BOX 155, Port Moresby.





Joe Turia wantaim goli bilong Yuni was gut long mak. GFC i sambai long hamaim bal i go insait. Tasol i abrus na goli holimpasim bal. Foto - Peter Moabe

Waka Laitni pes 6 Netbal pes 2  
Laitning Nokaut pes 8



Susie Kiale bilong Sunam i kalap olsem Chauka bilong Manus stret long abrusim wanpela pilaia bilong Yunaitet. Sunam i wilwilim gut tru Yunaitet, 4-1 long dispela pilai.

# KilaKila Kamap Tasol

## Debona Tu Gut

OL yangpela meri bilong KilaKila i kisim taim stret long Debona las Sarere. Rita Amini na Kewana, suta bilong Debona, i no givim sans liklik long ol. Long taim wisil i krai long pultaim Debona i go long haus wantaim 25 poin na KilaKila Hai 13.

KilaKila inap long skoim sampela poin moa. Tasol longpela meri na namba wan suta bilong ol Boasa i no moa pilai. Em i laik karim pikinini olsem na em i malolo.

### Pauline Laki

Tasol ol yangpela i no wari. Kepten na Kosa bilong ol Christine i stap klostu na givim tingting na strongim ol. Taim pilai i op, senta bilong Debona i kisim bal na salim i go long Vai. Vai wantu salim i go long Kewana husat i pulmapim long 3 minit mak.

Namba tu poin i wan kain rot. Tasol dispela taim ol i givim long namba tu suta Rita. Rita kisim longwe yet na mekim basketbal stail long en. Em i no abrus. Em i go yet na bringim poin bilong Debona i go antap.

Namba tri taim Debona i laik kisim i go, sori. Gol defens bilong KilaKila Jennet i kisim gut rebaun na spitim i go aut long wing atek, Christine. Chris i salim long Kavuru namba tu suta. Tasol em i stap longwe liklik long gol mak na givim isi long suta, Oti husat i stap long ples klia. Oti skoim pes poin bilong ol.

Em klostu hap taim.

Debona i gat 5 na KilaKila 1. Liklik meri ya Numa, i pilai gut tru. Tasol wanpela samting em i no lukluk gut long husat em i salim bal i go long en.

Boasa i sindaun singaut yet givim strong na tokim ol long pilai gut. Suta bilong KilaKila, Oti i no abrus taim em pulmapim bal i go daun long ring. Tasol Debona i wok long ranawe wantaim bal long pes hap. Dispela i mekim hat long ol yangpela bilong KilaKila long skoim moa poin. Hap taim Debona 14 na KilaKila 1 poin.


Bihain long hap taim pilai i bilong Debona olgeta. Kewana na Rita i sanap kisim tasol na pulmapim. Numa, Jannet, Oti wantaim Mary i pilai gut tru. Tasol ol skulmeri ya i no inap long ol bikpela meri husat i bin pilai longpela taim tru. Debona i wanpela hatpela tim tru long ol yangpela bilong KilaKila na Kwikila Hai long winim.

Suta Oti, inap long pulmapim gut bal. Tasol planti taim bal i go long narapela sait taim ol meri i pilai long wing i krangi liklik. Na tu wisil i krai taim meri i go pas long poroman o bam long en na ol kain kain liklik samting ol i mekim na brukim rul bilong pilai.

Taim reperi i winim wisil long pultaim skoa i sanap Debona 25 KilaKila 13.

Tupela tisa bilong ol yangpela ya, Boasa wantaim Chris i no laik lusim ol. Tupela i tok dispela em wanpela we long kisim gut save long dispela pilai.

i go moa long pes 3



Geno bilong Kempa i laik pulmapim bal na fill i kalap long difens.

### NETBAL SKOA RAUN 10

**Divisen 1**  
**A gret - Kot 1**  
N.Nesen 24 - Parama 11  
Demos 30 - Kempa 12  
Raukele 26 - Kwik/K H 13  
Kila/K H 13 - Debona 25

**A risev - Kot 2**  
Demos 21 - Verave 5  
Ripigo 18 - Koboni 30  
Bom Pol B 21 - N.Nesen 19  
Kone 25 - Alukuni 18

**B gret - Kot 3**  
Ripigo 13 - PomSec 7  
Bom Pol C 23 - Yuni 15  
Gorah 27 - B.Kumul 13  
Gomsta 11 - Avdev 15

**C gret - Kot 4**  
Mixtua 7 - Kempa 16  
Koboni 21 - Ali Utd 8  
Amoana 23 - Maegin 19  
Lokoru 12 - Chicka 12

**Divisen 2**  
**A gret - Kot 5**  
Green 17 - Avdev 4  
Kwik/K H 23 - Demons 6  
Param 25 - Raukele 17  
Jevaha 7 - Amoana 25

**A risev - Kot 6**  
Chicka 11 - Kone 12  
Kila/k H 23 - Moukele 31  
Green 25 - Mapos Yut 13  
Galata Utd 4 - Debona 19

**B gret - Kot 7**  
Avamavu 9 - T.Y.G 10  
H/well 21 - Palip 19  
R.Quarr 17 - Lokoru 11  
Maegin 7 - Liva 12

**C gret - Kot 8**  
L.Y.G 10 - Laloki 8  
Javaha 22 - Gorah 12  
Ali Utd 18 - Togelu 9  
alukuni 10 - Don 8

**Divisen 3**  
**A gret - Kot 9**  
Koboni 12 - Educat 12  
Sogu 10 - Verave 11  
Moukele 15 - Mixtua 13  
Liva 22 - Laloki 4

**A risev - Kot 10**  
Gomsta 13 - T.Y.G 9  
D.P.I 12 - PomSec 15  
N.D.I.L. 25 - H/well 19  
K.S 15 - Mapos Yut 12

**B gret - Kot 11**  
V.R.F.C 6 - L.Y.G 17  
N.D.I.L 13 - Avamavu 19  
G.R.P 1 - Don 32  
K.S. 15 - Mapos 12

**C gret - Kot 12**  
Gigid 9 - Educat 14  
V.R.F.C 31 - K.S 8  
Palip 18 - Gorah 2  
B.Kumul - R.Quarr (fofit)

### SANDE SKOA

**A gret - Kot 1**  
Tauruba 16 - Ginima 8  
PNGBC 17 - Isou 15

**Kot 2**  
Talai 7 - BP 21  
Sadukea 25 - Golog 3

**A risev Kot 3**  
Maiva 9 - Sadukia 18  
Isou 3 - Bilas 12

**Kot 4**  
STS 11 - Tauruba 15  
Gimyen 16 - Gangive 16

**Kot 5**  
ginimak 12 - Bun Bun 9  
Togelu 9 - Talai 6

**Kot 6**  
Gologi 11 - M.Bareks 19  
Gimyen 7 - Maiva 10

**Kot 2**  
Bun Bun 4 - Gangi 21  
Elcondor 9 - STS 10

## NETBAL DRO

BOROKO NETBAL ASOSIESEN  
ROUND 11  
SARERE JULAI 24, 1982

Taim	Tim	Reperi
<b>DIVISON 1</b>		
<b>A GRET</b>		
<b>Court One</b>		
1.00	Demos V Parama	George/C.Chu
2.00	N.Nesen V Kwik/K	V.Rumm/Param
3.00	Kila/K V Raukele	Debona/Kempa
4.00	Debona V Kempa	Kila/K/Rauke

<b>A RESERVE</b>		
<b>Court Two</b>		
1.00	Ripigo V Verave	Demos/Nesen
2.00	Demos V N.Nesen	Ripigs/Verave
3.00	Kone V Bom Pol B	Aluk/Koboni
4.00	Alukuni V Koboni	Bom Pol/Kone

<b>B GRET</b>		
<b>Court Three</b>		
1.00	Ripigo V Gorah	Bom Pol C/Yuni
2.00	Bom Pol C V Yuni	Ripigo/Gorah
3.00	Gomsta V B.Kumul	PomSec/Avdev
4.00	Pom Sec V Avdev	Goms/B.Kumul

<b>C GRET</b>		
<b>Court Four</b>		
1.00	Koboni V Kempa	Mixtua/Amoana
2.00	Mixtua V Amoana	Koboni/Kempa
3.00	Lokoru V Maegin	Ali U/Chicka
4.00	Ali Utd V Chicka	Lokoru/Maegin

<b>DIVISON 2</b>		
<b>A GRET</b>		
<b>Court Five</b>		
1.00	Kwik/K V Avdev 2	Green/K/Jevaha
2.00	Green V Jevaha	Kwik/K/Avdev
3.00	Param 2 V Amoana 2	Rauke/Demos
4.00	Demos V Raukele	Param/Amoana

<b>A RESERVE</b>		
<b>Court Six</b>		
1.00	Chicka V Mouke	Kilak/K/Green
2.00	Kila/K H V Green	Chicka/Mouk
3.00	Galata V Mapos Y	Kone/Debona
4.00	Kone V Debona	Galata/Mapos

<b>B GRET</b>		
<b>Court Seven</b>		
1.00	Avamavu V Palip	H/Well/R.Quarr
2.00	H/Well v R.Quarr	Avama/Palip
3.00	Maegin V Lokoru	TYG/Liva
4.00	TYP V Liva 1	Maegin/Lokuru

<b>C GRET</b>		
<b>Court Eight</b>		
1.00	Jevaha V Gorah	LYG/Al
2.00	LYG V Ali Utd	Jevah/Gorah
3.00	Alukuni V Togelu	Laloki/Don
4.00	Laloki v Don	Aluku/Togelu

<b>DIVISON 3</b>		
<b>A GRET</b>		
<b>Court Nine</b>		
1.00	Koboni V Mixtua	Mouk/Verave
2.00	Mouke V Verave	Koboni/Mixtua
3.00	Liva V Sogu	Educat/Laloki
4.00	Educat V Laloki	Liva/Sogu

<b>A RESERVE</b>		
<b>Court Ten</b>		
1.00	Gomsta V Pom Sec	D.P.I/NDIL
2.00	D.P.I V NDIL	Gomsta/Pom Sec
3.00	Bom Pol C V Honeywell	TYGc/Quarr
4.00	TYG V R.Quarr	Bom Pol/Honeywell

<b>B GRET</b>		
<b>Court Eleven</b>		
1.00	NDIL V T.Y.G	VRFC/K.S
2.00	VRFC V K.S	NDIL/L.Y.G
3.00	G.R.P V Mapos Y	Avamavu/Don
4.00	Avamavu V Don	G.R.P/Mapos

<b>C GRET</b>		
<b>Court Twelve</b>		
1.00	Palip V Educat	Gigid/R.Quarr
2.00	Gigidza V R.Quarr	Palip/Educat
3.00	Gorah V K.S	VRFC/B.Kumul
4.00	VRFC V B.Kumul	Gorah/K.S

ROUND 11  
BOROKO NETBALL  
SANDE 25 JULAI, 1982

Taim	Tim	Reperi
<b>DIVISON 1us</b>		
<b>A GRET</b>		
<b>Court One</b>		
1.30	Tauruba V Ginimak	PNGBC/Isou
2.30	PNGBC V Isou	Tauru/Ginima

<b>A GRET</b>		
<b>Court Two</b>		
1.30	Talai V B.P's	Saduke/Golog
2.30	Sadukea V Gologi	BP/Talai

<b>A GRET</b>		
<b>Court Three</b>		
1.30	Gangwe V Bun Bun	Mawa/Bilas
2.30	Mawa V H.Bilas	Gang/BunBun

<b>A RESERVE</b>		
<b>Court Four</b>		
1.30	Isou V Gumyen	Saduk/Tauru
2.30	Sadukea V Taurub	Isou/Ginimak

<b>A RESERV</b>		
<b>Court Five</b>		
1.30	STS V Gumyen	Togelu / M.Bareks
2.30	Togelu V M.Bareks	StS/Gimy

<b>B GRET</b>		
<b>Court Six</b>		
1.30	Gologini V Elcondon	Talai/Mawa
2.30	Talai V Mava	Golog/Elcon

<b>B GRET</b>		
<b>Court Seven</b>		
1.30	Bun Bun V Gimyen	Gang/STS
2.30	Gangwe V STS 2	BunBun/Gimy

**PHANTOM**  
COMIC

Pantom i kamap long hetkota bilong ol stilman long biksiti. Bikbos wantaim ol lain stilman bilong em i laik kilim indai Pantom. Baim Pantom komik namba 738 na painimaut moa long dispela stori.

**NO 738**



Sue Poley, suta bilong Demons. Taim dispela meri i kisim bal, em i no save abrus bal i save i go daum stret long ring.

i kam long pes 2

Christine i tok, "Mi amamas tru long ol gels bilong mi. Mipela stat long C gret long 1979. Bihain i kam long B na las yia long A resev. Na nau ol pilai long A gret. Mi amamas tru long kain pilai bilong ol."

I gat wanpela komplein i kamap long kot olsem tupela bikpela tim i gat ol bik nem nesanel pilaia olsem Demons na Nu Nesen i save pilai long 1 na 2 klok tasol. Na wanpela bilong ol mas pilai long 4 o 3 klok samting long mekim ol pipel i wok long lukluk i stap inap

long apinun tru.

Dispela bai mekim ol yangpela pilaia i lukluk long kain stail na rul ol pilai long en. Dispela i wanpela we long grisim ol yangpela long kam insait long pilai netbal na mekim ol i gat moa laik long lukim ol nesanel pilaia. Tasol em i samting bilong ol bos meri long lukluk long kain komplein olsem.


Olgeta netbal tim bilong Sentral Provins bai kamap long Mosbi long 21 na 22 Ogas. Samting olsem 50 tim bai i kam. Wanpela viles bai i gat 3-pela tim, 2-pela bilong ol

bikpela meri na wanpela bilong ol liklik.

Ol i stat mas long Tabari ples na i go long netbal kot long Bisini. Wanem lain i putim smatpela yunifom bai kisim prais. Ol bikpela meri long Boroko netbal asosiesen bai jasim. Las yia ol i mekim wan kain. Ol i stat long Hanuabada na wokabaut i go pinis long Badihagua. Na sil i pundaun long han bilong ol Keapara viles. Dsipela resis i no bilong pilai em bilong soim ol smatpela yunifom bilong ol long ol pipel.



Ah, holim gut bal Kempa! Maggie i redi tasol i stap long baksait. Sapos bal i pundaun bai Maggie i autim.



Iamo bilong Demons i kisim rebauns na i laik swing i go aut. Na Geno wantaim arapela meri Kempa ya i banisim gut Jill.

Poto - Peter Moabe



Margaret, yu wet ya. Yupela wet pastaim, bai reperi Christine, skelim pastaim na yuprla i pilai.



Yu kisim bal na holim pasim gut nogut wanpela pilaia bilong Demons i autim long han bilong yu.

### BOSIM MOSBI TIM

Ol pipel husat i gat laik i ken aplai long ol dispela posisen bilong senia man na meri tim long 1982 Nesanel Soka Taitel.

SENIA MAN: Kosa, Asisten Kos, Menesa. MERI: Kosa, Asisten Kosa, Menesares.

Ol pipel husat i aplai long ol dispela posisen i mas tok klia long wanem posisen ol i laikim. Na tu, ol i mas gat save long wok bilong kosa.

Salim olgeta epikesen i kam long:  
The Secretary,  
Port Moresby Soccer Association,  
P.O. Box 252,  
PORT MORESBY.

Ol eplikesen i mas kamap bipo long 23 Julai.

### SOKA KIBUNG

Namba 2 kibung bilong Mosbi Soka Asosiesen bai kamap long Fonde 22 Julai, long 7 klok nait long YWCA Hall.

Olgeta memba i mas salim tupela man i go long dispela kibung. Tok save i kam long seketeri bilong Mosbi Soka Asosiesen, Andrew Waho.

<b>Taim Gret</b>	<b>Tim</b>	<b>Reperi</b>
12.30 1st	Waliya V Seminari	Warap
2.15 1st	Amoana V Luteran	Karubou
4.00 1st	Ilimo V Kivenavavu	Kohena
	<b>G.F.C</b>	
12.30 2nd	Ali Utd V ANG	Manoi
2.15 2nd	Guria V Kapit	Raka
4.00 2nd	Baba V G.F.C	Kalai
	<b>BISINI 1</b>	
2.15 U19	GFC V Sunam	Kepi
4.00 Prim	GFC V Sunam	Ley
	<b>BISINI 2</b>	
12.30 U19	Yuni V Guria	Sapek
2.15 Prim	Tarangau V Rapatona	Samol
4.00 Prim	Yuni V Guria	Vee
	<b>NOMADS</b>	
12.30 3rd	K. E Isusu V Livupul	Mango
2.15 3rd	Sunam V Yuni	Mais
4.00 3rd	Kumul V Tarangau	Molean
	<b>ADKOL 1</b>	
12.30 4th	Raptaona V Kunta	Mela
2.15 4th	Gokata V Gomba	Riribi
4.00 4th	Move Bros V Sogom	Panga
	<b>ADKOL 2</b>	
12.30 5th	Kiriwina V Amuyawah	Mata
2.15 5th	Sesekezia V Mida Rua	Reve
4.00 5th	Pistom V YMCA	Kemi

SUNDE 25 JULAI, 1982

HMS

<b>Taim Gret</b>	<b>Tim</b>	<b>Reperi</b>
12.30 1st	Kula V Tatana	Kalai
2.15 1st	Maegin V PNGDF	Raka
4.00 1st	Togelu V Munkas	Warap
	<b>GFC</b>	
12.30 2nd	Jevvaha V Kusebo	Sapek
2.15 2nd	R. K. Utd V Kep Wut	Salayan
4.00 2nd	Seminari V Stone Axe	Mango
	<b>BISINI SOFBAL</b>	
1.30 Meri	Yuni V Waliya	Vee
2.45 Meri	GFC V Sunam	Liosai
4.00 Meri	Tarangau V Kula	Pouru
	<b>BISINI 1</b>	
12.30 U19	Kunta V Pom H	Vee
2.15 U19	Kiriwina V Mopi	Liosai
4.00 Prim	Kunta V R. Kumul	Pouru
	<b>BISINI 2</b>	
12.30 U19	Luteran V Sogeri	Kepi
2.15 Prim	Kiriwina V Mopi	Rademacher
4.00 Prim	Luteran V Korion	Moule
	<b>NOMADS</b>	
12.00 3rd	Togelu V Faze	Mais
2.15 3rd	K. S V BunSun	Molean
4.00 3rd	Kadakada V Maegin	Manoi
	<b>ADKOL 1</b>	
12.30 4th	Sabama V PNGDF	Reve
2.15 4th	Vaira Bros V Mopi	Mata
4.00 4th	Katamani V STS	Panga
	<b>ADKOL 2</b>	
12.30 5th	Tanubada V Elcom	Raka
2.15 5th	Waliya V Kapit	Kemi
4.00 5th	Louisiada V Korion	Riribi
	<b>DIFENS</b>	
1.30 Meri	Kep Wut V Togelu	
2.45 Meri	Rapatona V Louisiade	
4.00 Meri	Luteran V PNGDF	

WEWAK SOKA

Ol soka bilong ol gem i kamap long las wik i stap daunbilu. Liklik ren i bin pundaun long narapela wik i go pinis na dro bilong ol gem long Wewak i senis. Skoa nau i bilong ol gem i kamap long Julai 10, 1982.

**1st Divisen**  
Difens 3 - Wama Utd 0  
Is Wes (1) 2 - Guria 0  
T'ngau 0 - Posinu 1  
Is Wes (2) 1 - Brandi 3  
Passam 0 - Sunam 3

**Primi Divisen**  
Wulet 0 - Yut 1  
Guria 1 - T'ngau 3  
Difens 5 - Wama Utd 0  
Sunam 3 - Passam 2

**U19 Divisen**  
Is Wes 3 - Wulet 0  
Wama Utd 1 - Guria 2  
Difens 3 - Yut 2  
Passam 1 - Kipes 2

Skoa dro bilong ol gem i kamap long dispela wiken tasol i bin kamp bipo long las wik.

SARERE JULAI 24, 1982

<b>TAIM</b>	<b>TIM</b>	<b>REPERI</b>
9.00	Passam V Luteran	Difens - G-A
9.00	Is Wes V Kipes	Wama Utd - G-B
10.15	Wama Utd V Wullet	Passam - G-A
10.15	Difens V Guria	Luth - G-B
	<b>1st Divisen</b>	
11.45	Oigeta gem Gauin B	
1.00	Kipes V Sunam	Brandi
2.15	Is Wes 2 V Posinu	T'ngau
3.30	Passam V Brandi	Posinu
4.45	T'ngau V Guria	Is Wes
	<b>Primi Divisen</b>	
1.00	Sunam V Difens	Wama Utd
2.15	Wullet V Passam	Luteran
3.30	Wama Utd V T'ngau	Difens
4.45	Guria V Luteran	Sunam
	<b>TIM BYE 1ST - Difens</b>	

# Yut Memeim Blu Kumul

**YUT, Kunta, Rapatona, Korion na Blu Kumul i yangpela na nupela nem long Primia Divisen Soka long Mosbi. Tasol ol i bin autim tiket bilong ol lapun tim olsem Yunive-siti, GFC, Tarangau na Guria.**

bilong Blu Kumul i no fit tumas. Tarangu Vali i sanap long fulbek bilong Blu Kumul na hat wok tru banisim ol fowat bilong Yut. Em i longpela man tasol ol i no kaunim em. Ol fowat bilong Yut i bin giamanim em na subim bal planti tain i go long gol mak.



Lukaut, golkipa!! Ol man ya i no bung long danis. Nogut bal i kam long kona na go insait long mak. Yuni i trai hat na putim daun GFC 6-3.

Long las wik Yut na Blu Kumul i bin traim bun bilong ol long GFC ples pilai. Dsipela tupela tim i bin go insait long Primia Divisen long las yia tasol. Na ol i bin soim sampela kain stail bilong ol yet taim tupela i pilai.

Sapos ol fowat bilong Yut i stretim lek bilong ol bai gol kipa bilong Blu Kumul i kisim taim stret. Tasol bal i wok long go arere na planti taim goli i save holimpasim bal. Oloboi. Dispela gol-kipa bilong Blu Kumul i smat moa. I no long taim bihain bai em i daunim nem bilong ol goli olsem Moses Murry, Max Foster na Popat.

John Wowe, Caspar Logson na Martin bilong Blu Kumul i traim hamaim bal wantaim beklain bilong Yut tasol i no inap daunim ol. Yangpela straika, Andrew bilong Blu Kumul i laik kirapim das long gol eria bilong Yut i go go na win i sot. Sapos John na Caspar i stretim lek na toktok i go i kam wantaim Andrew na Martin long fowat, ating bai ol i ken sutim gol.

Blu Kumul i bin kisim wanpela gutpela kona kik 20 minit bihain long pes hap. Bal i flai i kam gut tru na Martin i subim het i go. Bal i pas long gol pos na gol long arere. Liklik taim bihain long dispela, John

Wowe i kisim bal long rait wing na salim long Caspar. Caspar i ranim i go klostu long gol eria na slingim bal olsem roket i go. Oloman! Em i taitim bun na bal i pas long kros ba na i go long arere.

Yut i no wari long dispela samting. Taim ol i kirapim taksi, kli! Bun i pairap na bal i go daun long sait bilong Blu Kumul. Namba 10 bilong Yut i abrusim beklain bilong Kumul na slingim bal i go. Whooooo!!! Goli yu

stap we? Mi stap. Planti man i ting bal i brukim net pinis tasol asua. Golkipa i flai olsem kumul stret na slip antap long bal. Planti ol sapota bilong tupela tim i wok long singaut na hatim bel bilong ol pilaia. Em nau pilai i bin bagarap wantaim i mekim i go na i no gat skoa bilong tupela long haptaim. Planti gutpela sans bilong ol fowat i kamap tasol ol i save popaia. Long haptaim i luk olsem ol Blu Kumul i waia lus liklik na planti bilong ol i sotwin tru.

Nau i no 1946, em i 1982! Traim na soim ol man long gutpela pilai. Bal i flai long hapi kam na flai i go bek. Wanem nau ya! Nupela kain pilai o olsem wanem? Reperi, Rademacher, i wok long winim wisel klostu klostu. Tupela tim wantaim i mekim i go na i no gat skoa bilong tupela long haptaim. Planti gutpela sans bilong ol fowat i kamap tasol ol i save popaia. Long haptaim i luk olsem ol Blu Kumul i waia lus liklik na planti bilong ol i sotwin tru. Tupela tim wantaim i go insait long seken hap na hatim pilai gen.


Ol Blu Kumul i senisim sampela pilaia bilong ol na ol i traim winim Yut. Em nau ol i stat long kirapim das namel long ples pilai. Lukaut Blu Kumul! Wanpela gol i go insait nau. Goli i kalap tasol ol man i pasim ples na em paul. Em nau Yut i go pas 1-0. Liklik taim tasol bihain namba 10 bilong Yut i hamaim narapela gol gen. Man. Ating ol i kapsaitim wara na wing bilong kumul i no flai nau. Skoa i sanap nau olsem Yut 2, Blu Kumul 0.

Bal i stap long namel na kam long hap bilong Yut. Tasol nogat. Beklain bilong Yut i planim strongpela banis. Bal i go long hap bilong Blu Kumul tasol. Na long 22 minit bihain long haptaim narapela gol i klostu brukim net bilong GFC. Long wanem golkipa bilong Blu Kumul i no lukautim gut. Skoa isanap olsem Yut 3-0.

Yumi ting ol Kumul i save hait gut tru na flai antap tru. Tasol we stap? Yut i givim wara long en nau. Blu Kumul i gat belhat namel long ol yet na planti bilong ol i no pilai strong. Ol beklain i sek tru. Ol fowat i trai hat long bekim dispela 3-pela gol. Tasol i no gat gutpela helpim i kam long beklain bilong ol.

Maski. Givap Blu Kumul!!! Yupela i no fit long Yut. Traim gen neks taim! Planti ol sapota bilong Yut i singaut olsem na daunim spirit bilong Blu Kumul. Ol fowat bilong Yut i ran olsem raunwin na abrusim ol Blu Kumul. Tarangau golkipa i soim gutpela stail bilong em. Tasol ol beklain i waia lus nabaut na putim kamap gutpela difens.

Long 13 minit klostu long fultaim wanpela fowat bilong Yut i hamaim bal 15 mita longwe long gol pos bilong Blu Kumul. Goli i traim long holimpasim bal. Tasol



Ensa op!!!! Tupela i resis long kalap na hetim bal. GFC i popaia liklik na Yuni i nilim ol 6-3.



Hei! Samar Asugum, Em i no singsing banana bilong ol Makam! Tarangu Samar i trai hat long tim bilong em GFC tasol Yuni i autim tiket bilong ol.



Hei!! Yu tupela i mas kalap isi. Em pilaia bilong Rapatona na Kiriwina i trai lak tasol. Ol i dro 2-2.



Maski trik trik, Rapatona!! Kiriwina i no mangi bilong yu. Tupela tim i pilai na dro 2-2.



Ayo Manayo! Tupela man ya i wokim disko danis i stap na bal i flai go pinis. Samar Asugum bilong GFC i apim lek i stap na Yuni i go skoa. Yuni autim GFC 6-3.



# Waliya-Ol I No Inap Long Yu

**RAPATONA** wantaim Kula i taitim bun long wik i go pinis long painimaut husat tru i go long namba tu ples. Waliya i go pas olgeta long pes ples. Tupela trai bes bilong ol tasol taim reperi i wisil skoa i sanap 1-1.

Long begin bi-long yia Rapatona i go pas. Tasol Waliya i no pilai kaskas bilong ol. Dispela ol bikpela meri i gat hatpela stailstraika bilong ol. Waliya i save painim isi liklik long wilwilim sampela ol liklik tim o tim i no gat

gatpela o bikpela meri i stap long en.

Bospidik bilong Rapatona i tok olsem, wanpela gutpela pilai bilong ol Carol David i go pinis long Manus. Em i no ken kam bek moa. Em wanpela midfil pilai.



Klia long rot. Yu husat meri Sunam. Em i redi long ol Kep Wut. Yu laik sutim nus bilong husat meri i go klostu long em.

## POIN LATA

### Primia Divisen

TIM	P	W	D	L	F	A	P
Yuni	10	9	-	1	41	16	18
Guria	10	7	-	3	39	23	14
Sunam	11	6	1	4	28	20	13
GFC	11	6	1	4	26	22	13
Tarangau	11	5	2	4	27	17	12
Kunta	11	5	2	4	17	19	12
Luteran	11	4	3	4	17	20	11
Korion	11	4	2	5	21	25	10
Rapatona	11	3	3	5	25	30	9
Mopi	11	3	1	7	17	35	7
R.Kumul	9	3	-	6	15	23	6
Kiriwina	9	-	1	8	7	26	1

### U19 Divisen

Sunam	11	8	3	0	29	12	19
Sogeri	9	7	1	1	39	14	17
Guria	11	8	1	2	32	11	17
Luteran	10	6	2	2	26	17	14
Yuni	10	6	1	3	34	13	13
Kunta	10	4	3	3	26	20	11
Mopi	11	4	1	6	16	28	9
GFC	11	4	0	7	23	24	8
PomTech	10	3	1	6	14	36	7
Kiriwina	7	0	2	5	4	13	2
Tarangau	10	0	1	9	13	36	1
Rapatona	8	0	0	8	6	38	0

### 1st Divisen

Waliya	11	10	-	1	51	24	20
Seminari	11	9	-	2	38	18	18
PNGDF	11	9	-	2	29	19	18
Togelu	11	6	2	3	34	22	14
Maegin	11	4	2	5	41	33	10
Kula	11	5	-	6	21	25	10
Tatana	11	5	-	6	25	30	10
K'navau	11	3	3	5	16	25	9
Yut	11	3	1	6	23	29	7
Amoana	11	3	1	7	24	35	7
Ilimo	11	3	1	7	24	42	7
Mungkas	11	1	-	10	16	40	2

### 4th Divisen

Gomba	11	7	2	2	26	13	16
Gokata	11	7	2	2	19	14	16
Katamani	11	7	1	3	30	14	15
Rapatona	11	6	3	2	15	15	15
PNGDF	11	5	3	3	20	19	13
Sogom	11	5	2	4	18	19	12
MoveiBros	11	3	3	5	27	30	9
Sabam	11	3	3	5	10	18	9
Kunta	11	2	5	4	11	19	9
STSBros	11	4	-	7	16	27	8
VairaBros	11	2	3	6	16	6	7
Mopi	11	2	1	8	14	20	5

### 5th Divisen

Amuyaava	11	7	3	1	19	8	17
LSC	10	6	3	1	30	11	15
YMCA	11	4	6	1	18	16	14
Korion	10	5	3	2	18	14	13
Elcom	11	3	7	1	10	7	13
Waliya	10	5	2	3	22	20	12
Pistom	11	4	3	4	16	17	11
Kapit	10	5	1	4	14	16	11
Sesekngai	11	3	2	7	11	23	8
Kiriwina	7	2	-	5	6	8	4
MidaRua	11	2	-	9	13	21	4
Tanubada	11	-	2	9	10	30	2

### Ol Meri

Waliya	11	9	1	1	42	6	19
Rapatona	11	8	1	2	31	13	17
Kula	11	7	3	1	18	8	17
Yuni	11	7	2	2	31	14	16
Sunam	11	7	1	3	20	8	15
Togelu	11	4	4	3	19	15	12
PNGDF	11	4	2	5	23	24	10
G.F.C	11	2	3	6	7	17	7
Lusiade	11	2	3	6	6	18	7
Luteran	11	2	1	8	9	27	5
Tarangau	11	2	-	9	4	29	4
KepWut	11	1	1	9	6	29	3

Na long taim bilong pilai tu ol i no save pilai wantaim. Na las wik ol i kisim nupela goli, Joan Paul. Waliya i save pilai wantaim na i save wok gut long taim bilong pilai.

Ol skoa bilong wik i go pinis em Kula wantaim Rapatona i bin dro 1-1. Yuni 0 - GFC 0, Waluya 4 - Tarangau 0, Sunam 3 - Kep Wut 0, PNGDF 6 - Lousiade 0, Togelu 2 - Lut Yut 0.

Mosbi Soka, Ol Skoa - 17 - 18 Julai



Sunam na Kep Wut yet! Margaret Gigina na Karoline bilong Yuni i stap long sait na poroman bilong banisim bal na karim i go. I luk olsem bal bilong tupela yet.

## KOLIM HAMAS MANI-No.11

**1st Divisen Results**  
 Pistom 0 - Amuyawah 1  
 LSC 0 - Elcom 0  
 Tanubada 1 - Mida Rua 2  
 Waliya 1 - YMCA 1  
 Kiriwina 0 - Sesekazia 2  
 Korion 0 - Kapit 1

Andrew Wasina  
Ph:255655

**4th Divisen**  
 Bihain long 11 gem

Move Bros 2 - Kunta 2  
 Sabam 0 - Gomba 2  
 Katamani 3 - PNGDF 1  
 Rapatona 1 - Gokata 1  
 Vaira Bros 2 - Sogom 0  
 STS Bros 3 - V Mopi 1

Nicholas Kekena  
Ph: 211999 ext773  
or 229773

**1st Divisen**

Waliya 7 - Amoana 1  
 Ilimo 0 - Seminari 6  
 Kula 2 - Yut 1  
 Maegin 1 - K'navau 1  
 Togelu 1 - Tatana 2  
 Mungkas 1 - PNGDF 2

Martin Horner  
Ph:271371

**U19 Divisen**

Yuni 3 - GFC 1  
 Tarangau 1 - Guria 2  
 Kunta 5 - Sunam 5  
 Luteran 2 - Pom Tech 1  
 Sogeri 3 - Mopi 1  
 Kiriwina 3 - Sunam 3

Gordon Lee  
Ph: 255133 ext 447

**Primia Divisen**

Yuni 6 - GFC 3  
 Guria 6 - Tarangau 5  
 Sunam 6 - Kiriwina 2  
 Sunam 3 - Kunta 0  
 Rapatona 2 - Kiriwina 2  
 Korion 3 - Mopi 1  
 Luteran 4 - R.Kumul 0



Glasim gut poto na kolim hamas mani i stap long poto.

## NUPELA RESIS-WINIM MANI

**WANTOK** i kirapim wanpela nupela kain resis long winim mani. Resis i go olsem: Yu mas glasim gut piksa antap ya. Traim kaunim ol mani i stap long piksa. Taim yu kaunim pinis,orait,raitim namba bilong mani long fom ya na salim i kam long Kaunim Mani, Box 1982, Boroko.

Long olgeta tupela wik bai mipela sekim ol fom i kamap hia long opis. Sapos man i kolim namba stret,bai em i kisim olgeta mani i stap hia long poto.

Namba 10 resis i pinis. Mani insait long en i K52.30. No gat man i kolim stret tasol Joe Purehui, Box 259 Arawa i kam klostu taim em i tok K52.16. Joe yu redi K10,00 i flai i kam long yu. Resis namba 11 i op nau. Em i las resis na bai i go 3 wik olgeta. Long dispela resis maski yu no kolim stret mani man i klostu tru bai kisim olgeta mani insait long poto. Wasim ai, taitim bun na traime. Em las resis.


Nem .....

P.O. Box .....

Taun .....

Namba bilong Mani K .....

# POW AWAY THE DIRT!.. WITH COLD POWER



## COLD POWER WASHES CLOTHES CLEAN IN COLD WATER! ..WITH A FRESHER SMELL TOO!..

# Laitning Kompetisen Na Kamp Kap

**LONG dispela wiken long Mosbi, bai i gat tupela spesel hoki kompetisen i kamap.**

Long Sande 25 bai tupela top tim long olgeta gret i pilai long Kamp Kap. Na husat tim i win bai kisim tropi. Dispela em i namba wan taim Mosbi Hoki Asosiesen i mekim dispela spesel pilai.

Ol tim husat bai pilai long dispela kompetisen em A gret Suna na

Bismak (man) Sunam na Sogeri (meri). Long B gret Bismak na Sunam (man) Bismak na Kapit (meri).

Ol arapela tim insait long Mosbi bai pilai long Laitning Kompetisen long Sarere 24 na Sande 25 Julai. Ol tim bai pilai 10 minit ful taim. Na senisim sait bihain long 10 minit.

Long pilai bilong las wiken, Yuni i dro wantaim Sunam 1-1, long A gret pilai bilong ol man. Long pes raun

bilong pilai, Sunam i pilai strong tru. Bob Moore i skoim namba wan gol bilong ol. Orait long namba tu raun, Yuni i stat long pait bek.

Beklain bilong Yuni i wok long salim bal i go long ol fowud bilong ol. Na Andy Taiya i putim gol bilong Yuni bihain long reperi i givim Yuni wanpela penalti kona. Pilai i strong yet inap wisil i krai. Na skoa i sanap long 1-1.

Long pilai bilong ol meri, Sunam i wok long win yet. Ol i autim Yunaitet 4-1. Yunaitet i no inap tru long abrusim fowud lain bilong Sunam. Ol i wok long karim bal i go antap na salim stret long Sunam.

Lep beklain bilong Yunaitet i slek olsem na ol Sunam i wok long karim bal i go abrusim na go insait long skoa. Marie Ani na Maria Warupi long beklain bilong Yunaitet i wok long pilai gut tasol tupela tasol i no inap long stapim ol meri Sunam.

Long ol pilai bilong B gret, Bismak i winim Sunam 1-0 long pilai bilong ol man. Tupela tim wantaim i strong tru. Tasol long las hap bilong pilai, Potuan Pakop i salim bal i go namel long lek bilong goli na i go insait long gol.



*Asua! Marie Arni bilong Yunaitet i salim bal i go we nau ya? Abrus long bal i ran long graun em i painim stret lek bilong Molong Taita bilong Sunam. Sunam i winim Yunaitet 4-1.*

Roket tim i wok long winim ol pilai bilong ol nau. Las wik ol i bin autim Sunam 2-0 long B gret pilai bilong ol meri. Na long dispela pilai bilong ol wantaim Magpies ol i winim Magpies gen, 2-1.

Na hia em skoa bilong ol arapela pilai: A gret man - Sunam 1 Yuni 1, Bismak 1 Konepoti 0. Meri - Sunam 4 Yunaitet 1, PNGBC 1 Sogeri 0, Devils 2 Togelu 1.

B gret - Sandgropa 9 Pom Hai 0, Bismak 1 Sunam 0, Konepoti 3 Everyman 1 (man). Meri: Nomads 2 Sogeri 0, Kapit 4 Pom Hai 0, Bismak 2 Sunam 1.



*Selan Pambuai na Lohia Raka bilong Bismak i banisim pinis dispela pilai bilong Konepoti. Bismak i winim Konepoti 1-0.*



*Reperi, meri ya i paitim bal long rong sait bilong stik. Ating ai bilong Rachael Noah bilong Sunam i paul na em i holim stik kranki.*

## HOKI DRO — WIK 11

**Sarere, Julai 24, 1982**

**Stedium 2 - Graun 1**

12.30	Sunam V Bismak	Man	Rongap/Hebei
12.55	Pom H V Kapits	Meri	Taiya/Kahai
1.20	Toeglu V Yunaitet	Meri	Poso/Kili
1.45	Bismak V Devils	Meri	Poso/Kili
2.10	Bismak V Yuni	Man	Pamb/Crot
2.35	Pom H V Yunaitet	Meri	Kahai/Sali
3.00	Rokets V Sogeri	Meri	Chak/Tapo
3.25	Sunam V Sandgrop	Man	Manoi/Kahai
3.50	Bismak V Difens	Meri	Rongap/Hebei
4.15	Sunam V Nomads	Meri	Kanau/Alik
4.40	Kapits V PNGBC		
5.30	Pom H V Togelu		Crot/Clea

**Stedium 2 - Graun 2**

12.30	Sunam V Bismak	Meri	Tapo/Kahai
12.55	PNGBC V Magpies	Meri	Rongap/Tapo
1.20	Sunam V Sogeri	Man	Tapo/Saliau
1.45	Sunam V Kone	Man	Manoi/Hebei
2.10	Devils V Sogeri	Meri	Kahai/Alik
2.35	Bismak V Nomads	Meri	Alik/Taita
3.00	Bismak V Pom H	Man	Kahai/Poso
3.25	PNGBC V Yunaitet	Meri	Poso/Taiya
3.50	Bismak V Rokets	Meri	Kanau/Tapo
4.15	Sunam V Yuni	Man	Crot/Clea
4.40	Bismak V Sogeri	Meri	
5.00	Sunam V Devils	Meri	

**Sande, Julai 25, 1982**

**Stedium - Graun 1**

9.30	Rokets V Nomads	Meri	Tapo/Alik
9.55	E'men V Sandgrop	Man	Kahai/Hebei
10.20	Difens V Pom H	Man	Hebei/Alik
9.30	PNGBC V Togelu	Meri	Rongap/Kahai

9.55	Kapits V Magpies	Meri	Rongap/Tapo
10.20	Rokets V Devils	Meri	Poso/Pamb
1.05	Kone V E'men	Man	Kahai/Hebei
1.30	Yuni V Difens	Man	Chak/Pamb
1.55	Pom H V Magpies	Meri	Tapo/Kanau
2.20	Nomads V Devils	Meri	Tapo/Kanau
2.45	Yuni V Pom H	Man	Kahai/Poso
3.10	Kone V Sandgrop	Man	Kahai/Poso
3.35	Magpies V Togelu	Meri	Hebei/Sali
1.05	Magpies V Yunaitet	Meri	Pamb/Kili
1.30	Sunam V E'men	Man	Clea/Alik
1.55	Nomads V Sogeri	Meri	Manoi/Rongap
2.20	Kapits V Togelu	Meri	Rongap/Manoi
2.45	Pom H V PNGBC	Meri	Poki/Alik
3.10	Kapits V Yunaitet	Meri	Alik/Poki
3.35	Sunam V Rokets	Meri	Tapo/Kili

**Sande, Julai 25, 1982**

**Stedium - Graun 1**

**Kem Kap "A" Gret**

10.45	Sunam V Bismak	Man	Crot/Clea
10.45	Sunam V Sogeri	Meri	Manoi/Hebei

**Kem Kap "B" Gret**

11.55	Sunam V Bismak	Man	Crot/Clea
11.55	Kapits V Bismak	Meri	Rongap/Tapo



*Konepoti (lephan) na Bismak (raithan) i pait long kisim bal. Konepoti i no inap long autim Bismak na ol i lus 1-0.*



# Going Places

High School at home - COES helps  
you with your studies.




COLLEGE of EXTERNAL STUDIES

COLLEGE of EXTERNAL STUDIES

No. 6



Hello Sun!  
You came up!  
We knew you would  
You always do!  
Hooray for you!







## ENVIRONMENT

Are you glad we have the Sun?  
Write down ONE way in which the Sun helps us:-  
Check your answer from the ones printed UPSIDE  
DOWN below. Did you think of one of these?



### DID YOU KNOW THAT THE SUN HELPS PLANTS TO GROW?



Look around you, at your environment. Can you see plants?


### ACTIVITY

Here is an activity for you to do. Go outside and find some green grass. Cover some parts of the grass with these things.

Yes, plenty of them!




Leave them on the grass for about a week. Then lift up the wood, tin and box. What has happened to the grass? (Answer next week.)



Are they growing where the sunlight comes?

ANSWERS: The sun helps us see our environment. The sun warms our bodies. It warms the air, the oceans and the rivers. The sun helps plants grow.

## CHALLENGES



## FOOTBALL PUZZLES

How good are you at following football commentaries? Here is a commentary taken from the radio about a match between two teams: The Noughts of Lae (O) and the Crosses of Rabaul (X). See if you can draw where the ball goes.

Commentator: "Crosses have the ball. Alan has it. He is on the left of the Crosses goal-keeper. Now he kicks the ball forward, between two of the Noughts team, to Benny. Benny is out on the left wing, in midfield. He collects the ball and passes forward to Colin who is up forward near the Noughts goal, between two of their players. Colin kicks to his ring and David runs forward between two of the Noughts team. David gets the ball. Shoots. And it's a goal!"

If you would like to know more about studying with COES write to:

The Principal  
College of External Studies  
P.O. Box 500

Konedobu  
Your name .....  
Address .....  
.....  
.....

I am interested in enrolling in:

Grade 7

Grade 8

Grade 9

Grade 10

(Please tick  one box only)

# Living and Learning

## PAYING WITH MONEY




A few weeks ago we looked at "money" and saw that today we use notes and coins to buy things with. Our money is called Kina and Toea.


It was decided that our money should be made up of notes and coins because:

It is **ACCEPTABLE** because it is legal tender and it is easy to use.

It is easily **DIVISIBLE** - we can divide one kina easily into smaller parts.



It is **PORTABLE** - It is easy to carry.



It is **DURABLE** - It lasts a long time. This is because coins are made of metal and notes are made of strong paper.

Sometimes it is not wise to use money. For example, would you do this?




If you did, you would be taking a **BIG** risk. A rascal could steal the money.



Coins could easily fall out of the envelope.

And you could lose all your money if the envelope should catch fire.

How can I pay someone who lives far away, if I don't send them money?



Well, you can use some special kind of forms. For example, if you wanted to pay COES some fees for study, you could go to your local Post Office and buy a **POSTAL ORDER**. A Postal Order is a special kind of form - it looks like this.



038378 THIS IS YOUR RECEIPT FOR	<small>If crossed, this order will be paid only through a Bank</small>	Papua New Guinea <b>POSTAL ORDER</b> <small>Payable at any Post Office in Papua New Guinea</small>	038378
<b>K2</b> SENT TO	Pay to	<b>K2</b> FEE: TWENTY TOEA	
C.O.E.S.	<small>(Payee's Name to be filled in by Purchaser)</small>		
		<b>TWO KINA</b>	
	<small>Postmark of Issuing Office</small>	<small>Signature of Payee</small>	
		<small>see conditions on back</small>	

To buy the Postal Order you give your money to the postal clerk. The clerk will then issue (give) the Postal Order to you.

Once you have the Postal Order, you can then fill it out making it payable to the College - like this:

038378 THIS IS YOUR RECEIPT FOR	<small>If crossed, this order will be paid only through a Bank</small>	Papua New Guinea <b>POSTAL ORDER</b> <small>Payable at any Post Office in Papua New Guinea</small>	038378
<b>K2</b> SENT TO	Pay to <i>College of External Studies</i>	<b>K2</b> FEE: TWENTY TOEA	
C.O.E.S.	<small>(Payee's Name to be filled in by Purchaser)</small>		
		<b>TWO KINA</b>	
	<small>Postmark of Issuing Office</small>	<small>Signature of Payee</small>	
		<small>see conditions on back</small>	

Because you would be the sender of the Postal Order (**YOU SEND IT**), you would keep the left hand side of it. This is called the "butt", and is your record that the money has been sent. It is your proof that you have paid the money.

When the College (the Payee) receives the Postal Order they take it to the Post Office, sign it, and will be given the value of it, i.e. K2.00.

This is one way that you can make payments to people, without using money. In a later edition we will look at other safe ways to pay for things without sending money.

# Learn with us on NBC



PROGRAM 17. Radio One, Thursday, 29 July, at 6.10 p.m.  
"Conflict"

This week we have another conflict story. This time it is a conflict between the Law and doing what is right. Oh yes, sometimes it is not enough to just do what the Law says. You have to think what is right. For example stealing is against the law. But is it always right to put someone in jail?

Suppose you are poor and hungry. You have no Wantoks to help you. So you steal some food for yourself and your family. Should you be put in jail? Some people say 'yes' because stealing is bad. Some people say 'No' because life is more important than things. That is a conflict of opinion.

In this story, Mika tries to help a young thief instead of putting him in jail. But that costs money. Mika gives away the last of his money. He thinks he has done the right thing. But his wife Sarah is angry with him. And the shopkeeper, who had the things stolen from him, is not happy either.

So think about the five questions during the broadcast. Think about the last question after the broadcast. Decide what YOU think. Give your answers in short sentences. Social Science tries to help you make up your own mind.


If we get different opinions, we will read them out in a later programme.

## PROGRAMME SEVENTEEN COMPETITION:

YOUR NAME: \_\_\_\_\_  
ADDRESS: \_\_\_\_\_  
ARE YOU A GRADE 7/8 STUDENT AT COES? \_\_\_\_\_

1. What does the shopkeeper think the police should do to the thief? \_\_\_\_\_  
\_\_\_\_\_
2. What does Mika do to the thief? \_\_\_\_\_  
\_\_\_\_\_
3. Why? \_\_\_\_\_  
\_\_\_\_\_
4. What do YOU think Mika should have done? \_\_\_\_\_  
\_\_\_\_\_

Send your competitions to: RADIO CLUB, Box 500, KONE DOBU.  
(note: non-students can enter and good answers will be read out on Radio)



**Lukim mani bilong yu  
kamap bikpela, winim**

**8%**

OLGETA YIA  
LONG PASBUK AKAUN WE MANI  
BILONG YU I REDI TASOL.  
NA MOA LONG

**11.5%**

OLGETA YIA  
LONG MANI BILONG YU I STAP  
ANINIT LONG K50,000 NA SPESEL  
WINMANI LONG MANI I WINIM K50,000

YU KEN KISIM MOA TOKSAVE LONG  
NIU SAUT WELS BENG LONG  
HAP BILONG YU.




BANK OF NEW SOUTH WALES  
( PNG ) LTD.



**Meridien Breckwoldt Pty Ltd**  
Business Equipment Division

PO Box 1549 Boroko Phone 25 6311	Branches PO Box 1188 Lae Phone 42 3544	PO Box 72 Kieta Phone 95 6118	PO Box 222 Rabaul Phone 92 2266
--	---	-------------------------------------	---------------------------------------

*Gutpela lain long wokim bisnis wantaim*



# THE OLD MAN AND THE ASS



This week's story comes from England.

A group of young students from the University of Oxford went for a walk one day. After they had been walking some time they saw an old man asleep in a ditch. There was an ass beside him. The ass had baskets on its sides and these were filled with pots. One of the students had an idea.

"You know that we have no money" he said. "Well, I know how we can get some. If we take the baskets and bridle off the ass, and put them on me; you can take the ass to the market in town and sell it."

So all the students took the ass to the market and left their friend with the old man. Soon the

old man woke up and was very surprised to see that his ass now looked like a man.

"For God's sake," said the student. "Take these things off me."

"Good Heavens," said the old man. "Who are you and where do you come from?"


"My father is a magician. One day I displeased him so much he became very angry and turned me into an ass. Now he must have forgiven me and stopped the magic. I am now a man again and can go home to my family."

The old man wanted nothing to do with magic and so set the young man free. The

student went into the town and joined his friends at an inn where they were having a good time spending the money they had got for the ass.

The next day the old man went to the fair to buy another ass. He looked at many and eventually he came to one he recognised. This was the ass which had been stolen from him; the one he thought had changed into a young man.

He looked at the ass and said "What? Have you and your father quarrelled again already?"



## NOTICE

TEACHERS & BOARDS OF MANAGEMENT OF SCHOOLS



Sets of New Nation (1981) in perfect condition available for school use

Ideal as sets of classroom readers for grades 6-9.

Packed in five sets of twenty copies (100 in all)

Price: K22 per hundred copies delivered to any provincial airport in Papua New Guinea.

K12 per hundred copies ex our warehouse in Poinciana St, Hohola, Port Moresby.

All orders must be accompanied by payment.

Orders with payment should be sent to:

Commercial Manager,  
P.O. Box 1982,  
Boroko. NCD.

Phone enquiries: Janet (25 2304); Teresa (25 2500)



Which will you choose - smoking or health?

Let July New Nation help you make your choice

# NEW NATION

On sale now - only 50t

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.